

列
朝
詩
集

列朝詩集

甲集前編第七之下

鐵崖先生楊維禎一百七十首

張簡十首。下俱附見

潘純一首

黃公望一首

曹容一首

陳聚一首

楊椿一首

顧佐一首

宋元聘二首

馬琬一首

張田一首

張希賢一首

黎廣居一首

周南二首

沈注一首

嚴恭一首

強珏一首

曹妙青一首

張妙淨二首

蘇臺竹枝十首

郭與一首

袁華二首

陸仁一首

馬際一首

秦約一首

于立二首

鐵崖先生楊維禎

鐵崖之詩多作于有元之季而其人則入本朝矣辭召應制之作略見前篇而他作則以此編盡之若其文章則兩屬焉劉文成宋文憲亦同此例

鴻門會

天迷關地迷戶東龍白日西龍雨撞鐘飲酒愁海翻碧火吹巢雙俠綸
言范增項莊照天萬古無二烏殘星破月開天餘座中有客天子氣左肱
七十二子連明珠軍聲十萬振屋瓦拔劍當人面如赭將軍下馬力排山
氣卷黃河酒中瀉劍光上天寒雪殘明朝盡地分河山將軍呼龍將客走
石破青天撞玉斗富春吳復曰先生酒酣時常自歌是詩此詩本用賀體
而氣則過之

虞美人行

拔山將軍氣如虎神驍如龍踞天下
叶戶將軍戰敗歌楚歌美人一死能
自許倉皇伏劍吞危主不爲楚雉隨仇虜江邊碧血吹青雨化作春芳悲
漢土

梁父吟

步出城門上陟嶺樂峰梁父昂雉堞蕩陰夷城封齊國殺三士杵臼不
能所以梁父吟感歎長笑翁吁嗟長笑翁相漢起伏龍開張比疆治將
相俱和同上帝棄炎祚將星躋營中抱膝和梁父梁父生悲風

孔巢父

孔巢父竹溪流竹溪之水可飲牛胡爲去干肉食謀孔巢父盍歸來叶河
北虎幸艷河中虎方威孔巢父不歸去十年東海迷烟霧釣竿空負珊瑚
樹

警枕辭

吳越王錢鏐自少在軍中夜未嘗寐倦極則就圓木小枕

或枕大鈴寐熟輒歌而寤名曰警枕置於殿內有所記則
青盤中比老不倦或寢方醒外有白事者令侍女振鈴即寤時
彈劍九于樓牆之外以警直吏者嘗微行夜叩北門吏不肯啓
問曰華大王來亦不啓乃自他門入明日召北門吏厚賜之

不睡龍醒復醒珊瑚圓木搖金鈴五花寶簾芙蓉屏銅盤雪粉香淺清樓
牆銅彈飛霹靂夜半更奴起辟易圓木功無與敵吳越封疆平地開四世
三王安社席

三閭圖

金陵新閭空中起虎踞龍蟠鳳雙椅沉檀雕柱闌五嶠麗華吹笙綵雲裏
水晶簾空瀉明月三十六宮白於水紅塵已馬四百秋五城步障五
花毳綵綸山頭蓋宮殿山前十二銀潢流健娥五百曳錦纜金蓮吐影上
下金銀州二三狎客混歌舞中有酒悲淚如雨嘉州諷諫三閭圖秦川別
幸千花株回鶻隊鴉群呼夜半卷土昌瀘渝黃茅縛口銜璧草降表王
中書嗚呼玉樹聲中作唐虞門外崇朝是擒虎

瀝淵行

陽城淀高陽關邊書告急夕五至皇帝親至許嵐山殿前冠相一斗膽
蜀謀臣謀可斬陽光抱珥已開光其地可天表日抱珥黃床機一發中捷
攬雄謀獨斷衆勿搖孤注一擲先成梟跋河不渡勢不止賈勇況有高標
姚千羊萬犬銳若隼望見龍光氣俱盡萬歲聲呼天可汗擎天一柱惟付
準飛龍使修載昔鬼母尚執關南圖君不見漢家玉帛賜單于何嘗割地
分邊隅却憐蘇祖成帛二十萬不博黑子一萬蕃枯顛太祖嘗曰我二十
足博一胡兒首其精兵不過有十萬止廢我數百萬精耳

冬青樹上

老瓶夜射鐵塘湖天山兩乳王氣消禿妖尚厥龍虎怪浮圖千尺高名是
文山老客智且勇夜舟拔山山不動江南石馬久不嘶塚上冬青今已拱
百年丈老情填胸不知巧手奪化工冬青之木鬱蔥蔥六樹樹更蒲門東

李鐵鎗歌

古鐵鎗五代烈今鐵鎗萬人傑紅蠻昨夜斬關來防關老將泣如孩鐵鎗
手持丈二杆鐵馬突出拘紅咄咄紅頭盤紅骨臂紅不同生滅紅倒紅窟
君不見錢塘城中十萬家十萬甲兵緒如血一夜南風吹作雪

鐵鎗封萬戶至正壬辰七月二十日破賊于杭余嘗歌以美之是
年九月不幸死于昱關復爲歌些之

李鐵鎗人之傑將之強手持鐵鎗丈二長鐵鎗入手烏龍騰龍精射之落
攬槍皇帝十有二載秋七月紅兜西來寇西浙防關健兒走惶惶鐵鎗一
怒目皆裂十萬緒衣暗城闕鐵鎗烏龍去明滅須臾化作風雨來淨洗銅
城滿城血嗚呼燈供偷屠封狼鐵鎗之鋒無與當胡爲將星昨夜墜昱關
鐵鎗一折天無光天無光人恨恨雲臺倚天雲潛傷天子贈忠良祠以血

食冬青卿嗚呼歸來乎鐵鎗

鐵城謠

張司業有築城詩叙其嘆慨無沉痛迫切之警今補之

蒸土築城城上鐵北風一夜吹作雪君不見銅甕關外鐵甕堆中填白骨
外塗血門破作聲穿鬼穴銅駝崩鐵甕裂

南婦還并序

南婦有轉徙北州者越二十年復還訪死問生人非境換有足
悲者爲賦之

今日是何日慟返南州歧汨汨東逝水一日有西歸長別二十年休戚不
相知去時青髮歸來面眉鬢昔人今則是故家今則非脫胎有父母結
髮有夫妻竟呼問鄰里共指塚壙紫訪死欲穿隧泣血還復疑白骨滿丘
山我逝其從誰

飲馬窟

長城飲馬窟飲馬馬還驚寧知嗚咽水猶作寶刀鳴

焦仲卿妻

生行仰婦死與仲卿齊盛江同樹鳥不過別枝啼

點脂井

昨夜韓擒虎金陵奏凱迴井中人不死重帶美人來

商婦詞

蕩子發航船千里復萬里願持金剪刀去剪西江水

楊柳詞

楊柳董家橋幾黃幾萬條行人莫到此春色易相撩

採蓮曲二首

東湖採蓮葉南湖採蓮花一花與一葉持寄阿侯家

同生願同死死葬清冷注下作銅子藕上作雙頭花

賭春曲

關草歸來後開筵又賭春堦前撒珠戲誰是得雙人
杜陵記洛陽有樂姓者撒真珠爲戲厚盈數寸以班螺令妓女酌之仍各具數以得雙者爲勝
得雙妓乃作雙珠宴以勞主人

春波曲

家住春波上春深未得歸桃花新水長應沒浣花磯

買妾言

買妾千黃金許身不許心使君聞有婦夜夜白頭吟

去妾詞

萬里戎裝去琵琶上錦鶯傳來馬上出猶唱想夫憐

玉蹄驕

銀鑲玉蹄驕金鞭問妾家窗開桃葉渡小艇在荷花

自君之出矣二首

自君之出矣燕去復燕歸思君如荔帶日日抱君衣

自君之出矣草青復草黃思君如魚鱗日日守空房

吳子夜四時歌一首

睡起珊瑚枕微風度簾廊芙蓉最高葉翻水洗鴛鴦

小臨海曲十首。一名洞庭曲

日落洞庭波吳娃蕩樂過道人吹鐵笛風浪夜來多
道人鐵笛響半入洞庭山天風將一半吹度白銀灣

仙槁大如斗浮之過洞庭江妃渾未識喚作楚王萍
海客報奇事青天火甕飛明朝雷澤風新有落星磯
網得珊瑚樹移栽瑪瑙盆夜來風雨橫龍氣上珠根
海上雙雷島渾如灩澦堆垂龍拔山脚飛渡海門來
潮來神樹沒潮歸神樹青雲裏天妃過舵旗帶雨腥
客入毛公洞洞深人不還明年探禹穴相見會稽山
太液象圓海金蓮夜夜開水中萬年月照見昆明灰
秦峰望東海雲氣常飄飄桑田明日事奚用石爲橋

覽張簡

和錢壁小臨海

海靜不揚波仙人輕鶴過靈峰七十二何處月明多
扁舟下彭蠡望見古君山只道支機石移來天漢灣
歌罷霓裳曲分行舞廣庭天壇看星斗散亂若浮萍
海門棹馭出鯨吼浪花飛孔翠排於蓋雲昏黃鶴磯
龍子丹砂鬣金芒耀水盆真人忽騎去霹靂破天根

夜過洞庭曲青山玉作堆仙人吹鐵笛白鶴白飛來
雨過積金頂芙蓉萬朵青神魚不飛去風伏翠灣腥
憶坐松根石相看說大還崑崙雲一朵喚作九華山
仙花雲萬壑浩劫與森閒却笑珊瑚樹焦枯作死灰
海上三神嶠臂肘羽蓋飄玉虹三百丈噓氣結成橋

宮詞十二首

宮詞詩家之大香奩也不許材學究語爲本朝宮詞者多矣或
拘於用典故又或拘於用國語皆損詩體天曆間余同年陸天
錫善爲宮詞且索余和什通和二十章今存十二章

雞人報曉五門開鹵簿千官泊帝臺天上駕鵲先有信九重鸞駕上都迴每
歲此禽先寫性近

開國遺音樂府傳白翎飛上十三絃大金優諫關卿在伊尹扶湯進劇編
海內車書混一時奎章御筆寫烏絲朝來中貴傳宣急南國宮娥拱鳳池
薰風殿閣日初長南貢新來荔子香西邸阿環方病齒金籠分賜雪衣娘
錦裁衣錫聖恩朝來金榜揭天門老娥元是南州女私喜南人擢殿元

北幸和林帳殿寬鈎麗女侍婕妤官君王白賦昭君曲秋賜琵琶馬上彈
后土瑤仙屬內家揚州從此絕名花君王題品容誰並萼綠宮中萼綠華
十二瑤樓浸月華桐花移影上窗紗樽前不插鹽枝竹卧聽金羊引小車
金屋秋深露氣涼宮監久不到西廂丁寧莫竊牢歌笛鴟奴無情說短長
露氣夜生鳩鵲樓井梧葉葉已知秋君王只禁宮中蠶不禁流紅出御溝
十三宮女善詞章長立君王玉几傍阿婉有才還有累宮中鸞鴛啄條桑
蛾眉病處不勝秋長帶芙蓉小苑秋肯爲君王通一笑羽書烽火誤諸侯

盼盼

塚上白楊今十年樓頭燕子尚留連銅臺多少丁寧恨誰向西陵望墓田

西湖竹枝歌九首。一作小臨海曲

蘇小門前花滿株蘇公堤上女當壚南宮北使頻到此江南西湖天下無
走頭烟船唱却郎船頭不宿野鴛鴦爲郎歌舞爲郎死不怕真珠成斗量
家住城西新婦磯勸君不唱續金衣琵琶原是韓朋木彈得鴛鴦一處飛
勸郎莫上南高峰勸我莫上北高峰南高峰雲北高雨雲雨相催愁殺儂
湖口樓船湖日陰湖中斷橋湖水深樓船無柁是郎意斷橋有柱是儂心

病春日日可如何起向西窗理琵琶見說枯槽能卜命柳州衙口問來婆
小小渡船如缺瓜船中少婦竹枝歌歌聲唱入荅篋調不遣狂夫橫渡河
石新婦下水連空飛來峰前山萬重妾死甘爲石新婦望郎忽似飛來峰石
新婦秦王籠石是也

望郎一朝又一朝信郎信似浙江潮床脚撐起有時爛臂上守官無日銷

和詩和者數百家載於西湖竹枝者一百三十四人

潘龜字子素淮南人風度高遠歌詩道麗清郁詩餘喜爲今樂府與

冷齋疎齋相爲左右

雲髻高梳髻不分婦除虛室事元君新糊白紙屏風上盡畫蓬萊五色
雲

黃公望字子久自號大痴哥常熟人徙富春天姿耿高少有大志試
吏舉選居隱西湖曾其泉婦富春年八十六而終子久博書史尤
通音律因韓之學詩上服唐画因追闕全

水仙祠前湖水深岳王墳上有恨吟湖船女子唱歌去月落滄波無處

尋

曹府字新民永嘉人壯年遊湘西詩文皆清新

昨夜西湖月色多照見郎君金叵羅明朝江頭放船去江亭風雨奈君何

陳駿字敬德天台人敬初之兄兄弟從學于黃晉卿刻志讀書詩尤工律體

吹茜紅裙子柳黃衣花間采蓮人不知唱歌蕩樂過湖去荷葉荷花風亂

楊椿字子壽蜀人博學能詩文以舉子業爲大解淮張兵入平江巷

流郎去天涯妾在樓西湖楊柳又三秋郎情莫似湖頭水城北城南隨處

顧晉字選遺玉山仲子

顧元臣字國衡仲瑛之子詩並見玉山集後

顧佐字翼之仲瑛兄仁之子也好吟時有驚人句亦蓋崇玉山之習

阿儂心似湖水清願郎心似湖月明南山雲起北山雨雲雨朝朝何處

騎

宋元鵬字無逸號江人少穎悟好學父微嘗其志于市井作史之中
輒笑而解母為資之負笈從師迄明經史古文之學復舉名振

修元史

十三女兒不出門父娘墳在葛嶺根同携女伴踏青去不上道傍蘇小
墳

湖上采薪春復春養蠶長兄繭絲新老蠶不識人間事猶趁東風了此
身

湖光照儂雙画眉鬢邊照見一莖絲東家女伴多年別昨日携來十歲
兒

馬琬

字文望秦淮人少有志節工古歌行尤工諸曲學春秋于鐵崖

國朝仕為撫州府知府

湖頭女兒二十多春山兩點明秋波自從湖上送郎去至今不唱江南
歌

張田字芸已吳郡人工歌詩不吟荀作有健九體詩

漸去潮來春復秋錢塘江水通湖頭願郎也似江湖水暮去朝來不斷流

張希賢字希顏崑山人讀書尚雅志作詩好古物園西羅列左右人欲之卽便持去

孤山脚下三叉路孤山墓上好梅花不似馬塍桃李樹隨春供送到人家

葉廣居字居中嘉禾人天資机括才力絕人與其鄉人張翼劉堪爲文字友

冰長西湖一尺過湖頭狂客奈愁何鯉魚吹浪楊花落聽得櫓聲歸思多

周南字正道吳郡人

蘇公堤上草離離春盡王孫尚未歸風度珊瑚簾影直一雙紫燕近人飛

長采菱女兒新樣粧瓜皮船小水中央郎心只如菱刺短妾情設比藕絲長

沈性字自誠吳興人少孤養母以孝聞善吟唐人詩工八分小篆

儼住西湖日已愁郎船只在東江頭憑誰移得吳山去湖水江波一處流

嚴恭字景安吳之韓川人累世仕官才性雅淡築室海上號惜寸陰

坐日以聚書自適

湖中女兒不解愁二三蕩槳百花洲貪看花間雙蛺蝶蜻蜓飛上玉搔頭

強珣字彥栗嘉定人輕財重義工爲詩年早游京國值兵變歸至正間辟常熟州判官不就

湖上女兒學琵琶滿頭都插鬧粧花自從彈得陽關曲只在湖船不在家

士女曹妙清字比玉自號雪堂錢塘人善鼓琴工詩行書點畫皆有

法度三十不嫁風採可尚嘗寫詩寄欽崖鉄斧之云紅牙梵蒂紫
履毫雪水初融玉帝袍寫得祥清蕊草帖西湖紙價可能高其中
母孝謹故云玉帝袍其家視名

美人絕似董嬌饒家住南山第一橋不肯隨人過湖去月明夜夜自吹簫

士女張妙淨字惠蓮錢塘人善詩草隸音律晚居姑蘇之春夢樓號自然道人

憶把明珠買妾時妾起梳頭郎画眉郎今何處妾獨在怕見花間雙蝶飛

蘇臺竹枝詞 伍大獨英惠吳吳郡人皆聰明秀麗能賦詩建一樓以處曰蘭思思芳二女日夕吟咏不輟有詩數百首顏曰群芳集楊鉄崖製西湖竹枝曲和者百餘家見之笑曰西湖有竹枝曲東吳獨無竹枝曲乎乃效其體作蘇臺竹枝十章楊見其詞手題二詩于後云錦江只見薛濤美吳郡今傳蘭惠篇文采風流知有口連珠合璧照華筵難弟難兄並有名英英端不讓瓊瓊好將筆底春風句譜作瑤箏絃上聲自是名播遠邇咸以爲班姬蔡女復出也

姑蘇臺上月團圓姑蘇臺下水潺潺月落西邊有時出水流東去幾時

還

館娃宮中麋鹿遊西施去泛五湖舟香魂玉骨歸何處不及貞娘墓虎

丘

虎丘山上塔層層靜夜分明見佛燈約伴燒香寺中去自將鉏鋤施山

僧

門泊東吳萬里船烏啼月落水如烟寒山寺裏鐘聲早漁水江風惱客

眠

洞庭餘柑三寸黃笠澤銀魚一尺長東南佳味人知少玉食無由進上

方

茂芽抽笋棟花開不見河豚石首來早起腥風滿城市郎從海口販鮮

回

楊柳青青楊柳黃青青變色過年光妾似柳絲易憔悴郎如柳絮太顛

狂

貽翠雙飛不待呼鷺鴦並宿幾曾孤生憎寶帶橋頭水半入吳江半太

湖

一綢鳳髻綠如雲八字牙梳白似銀斜倚朱門顰首立往來多少斷腸人

百尺樓臺倚碧天欄干曲曲畫屏連儂家自有蘇臺曲不去西湖唱採蓮

吳下竹枝歌七首。率郭義仲同賦

三簷春溪艸色齊花間蕩漾勝耶溪採菱三五唱歌去五馬行春駐大堤
家住越來溪上頭曉晴塘裏水蘭舟水蘭風起飛花急只逐越來溪上流
寶帶橋西江水重寄郎書去未回儂莫令錯送回文錦不答鴛鴦半封
馬上郎君雙結椎百花洲下買花枝畧鼠冠子高一尺能唱黃鶯舞馬兒
白翎鵲操手雙彈舞罷胡笳十八般銀馬杓中勸郎酒看郎色似赤瑛盤
騎馬當軒鵲背靴西風馬上鼓琵琶內家隊裏新通籍不是南州百姓家
小娃十歲唱桑中盡道吳風似鄭風不信柳娘身不嫁真珠長絡守官紅

義仲以吳之柳枝詞答爲賦詩

吳中柳枝傷春瘦湖中竹枝湘水愁說與錢塘蘇小小柳枝愁是竹枝愁

春情二首

惜春正是上春時何處春情可賦詩吳王臺下圖芳草蘇小門前歌柳枝
灼灼桃花朱戶底青青梅子粉牆頭踟躕起自春來日直至春歸唱不休

漫興七首

學杜者必先得其情性語言而後可得其情性語言必自其漫
興始錢唐諸子喜誦子唐風取其去杜不遠也故今漫興之作
將與學杜者言也

臨畫溪頭翠水家水邊短竹夾桃花春風暖人狂無那走覓南隣羯鼓揭
天人接羅白瓊栽花邊下馬不驚騎環沈溪頭買酒去高堂寺裏看碑來
長城女兒雙結丫陳皇宅前第一家生來不識古井怨唱得後主後庭花
楊花白白絲初迸梅子青青核未生大婦當爐冠似瓠小姑啖酒口如櫻
今朝天氣清明好江上亂花無數開野老殷勤送花至一雙蝴蝶趁人來
南隣酒伴呼相呼共訪城東舊酒壚柳下秋千閒絡索花間喚起勸胡盧
我愛東湖舊廣文更過水口覓將軍醉歸管騎廣文馬不怕打鼓噪黃昏

治春口號

七首。寄昆山人袁昌宗三才子

今年月底無殘雪却是年前十日春騎馬行春橋上路密梅花發便撩人

吳下逢春春思濃不堪花發館娃宮吳山青青吳水白愁殺江南盛小叢
見說崑田生玉子海西還有小崑崙明朝去拔珊瑚樹龍氣隨飛過海門
蛟卵兼斤傳海上海人一尺立階前婁江馬頭天下少春水如天卽放船
南朝宮體哀才子更說西崑郭孝廉自是玉臺新句好風流無復數香奩
湖上女兒柳葉眉春來能唱黃鸝兒不知却是青娘子飛傍枇杷索荔枝
西使美人不受呼清筆一曲似羅敷可無東廐五花馬去博西樓一斛珠

春俠雜詞 十二首

金丸脫手彈鸚鵡玉鞭嬉笑擊珊瑚侍兒無賴有如此知是霍家馮子都
花兒白面呼郎神當街奪花不避人天馬乘龍金絡腦買家貴塔正嬌春
柘林縱獵金毛鷹花街行春銀面馬夜宿倡樓酒未醒飄風吹落鴛鴦瓦
朱提注酒酒如池大白淋漓喚不辭上樓更衣玉山倒腰間帶脫金犀毗
蜀琴初奏雙鴛鴦嶰竹和鳴雙鳳凰夜闌酒散不上馬紫荊月暗西家牆
石上葉生青鳳尾塔前花開黃鵠觜美人弄水百花池水涵花枝雙蝶起
宜男艸生小院西塔前錦石與人齊錢唐潮生當午信丹雞飛上上頭啼
鳳凰城外橫門道小妓軍裝金線襖春暉無賴苦撩人自下雕鞍蹋芳草

西江嫩人久不見手把新炮合歡扇鯉魚憑送相思書滿玉門前水如箭
笑人遺我昆溪竹木寫雌雄雙鳳曲愛惜長竿繫釣緝釣得江西雙比目
昨日布衣行九州今日繡衣拜冕旒馬前清道一千步當街不敢闕高樓
關右新來豪傑客姓字不通人不識夜半酒醒呼阿吉靜碧眼胡兒吹簫笛

燕子辭

燕子來時春雨香燕子去時秋雨涼鴛鴦一生不作客夜夜不離雙井塘

小遊仙八首

天上良常宮又成文章尺數老玄卿五雲閣吏亦謫世牛鬼少年專盛名
日落海門吹鳳匏須臾海水沸如炮船頭處女來相喚知是洞庭千歲蛟
曾與毛劉共學丹丹成猶未了情緣玉皇敕賜西湖水長作西湖月水仙
當時笑我去學仙汝但求金與求田不知昨夜城頭鶴問汝無人識慕軒
青旄飾衛翠雲軒按部東行過赤城龍女遺珠雞卵大結為雙佩賜方平
若木西來赤岸東白金城闕碧珠宮天家令急不放住折得五花端飯龍
東逾弱水赤流深夜得桃都息羽旌地底日迴天上去金雞如鳳自交鳴
金鵝蕊生璚水陰錦駝鳥鳴珠樹林上皇敕賜龍色酒天樂五雲流玉音

每鄉竹枝歌四首

潮來潮退白洋沙白洋女兒把糲粳苦海熬乾是何日免得儂來爬雪沙
門前海洲到竹篙梢頭腥臊蟛子肥啞子三歲未識父郎在海東何日歸
海頭風吹楊白花海頭女兒楊白歌楊花滿頭作鹽齏不與斤兩添銅鉞
新面似暹羅脚相富官脫袴受黃荆生女寧當嫁盤瓠近來未定亭
海竹枝非敢以嘲風人之鼓吹干以違乎民之疾苦也觀民風者或有
取焉

覽古四十二首錄三十四首

晉師納天王大義曰日披尹固附孽子奉籍奔蠻夷道逢秋郊婦三歲爾
爲期三年尹固死婦言如著龜

出姜哭過市呼天天實聞市人皆涕下魯賊當誰分出姜不歸魯麟筆誅
其君

秦穆飲盜馬楚莊忘絕纓齊景思一木觸槐有淫刑靖女告齊相稱說辯
且正明朝拔槐令靖婦脫囚名

單父七絃琴爲治務感興十金南門木立令務必行單父有成言夜漁若

嚴刑南門能徙木不能徙民情以此知巧信不如拙而誠

韓厥戮趙僕不以私害公後人援此義往往爲逢蒙曲逆不背本事主可移忠偉哉劉公論呂布真難容

應侯刻薄人須賈得無死飛將殺霸陵狼狠不足齒如何画眉郎五日殺據史

齊相善求治議論人人殊蓋翁本黃老一語蓋有餘諸儒不足聽醉吏自足呼醉吏獄不擾諸儒多詐狙

恭儉漢天子取士忌少年未應絳灌徒庭中肯妨賢徒爲宜室召復有長沙遷不見馮都尉唐隴眉竟誰憐

田叔作魯相王不敢遊田痛愧取民物償以中府錢漢人重長者長者豈非賢

任安與田仁同仕將軍門廝養惡齒馬質坐質失身發忿騎奴席拔刃徒自分不會趙少府何時別奴群乃知聖賢仕端不與賤貧

郭解本大俠睚眦殺人威當其出邑屋獨不殺倨夷公史脫踐更卒感肉袒來此事實近道可以俠少之

漢廷古遺直免官歸田園已聞御史杖嚴李有飛言職助矯制獨無罪加
冠終存誰謂淮陽召淮陽爲寡恩

出關棄綈于南征笑狂生左右無黃髮滛夫挾之行戮殺漢使者君臣起
大兵尉佗羈漢綬何曾請長纓

成都賈卜士大易先天心弟子一區宅桑榆有餘陰何爲天祿開忘身幾
陸沉門前載酒者奇字時相尋爲謝門前客從今傳清箴

子陵江海客本非沮溺仙仁義立奇論豈果忘吾民狂奴作故態飄然堪
雷春客星犯帝座太史奏天文故人信符讖三公等浮雲

武丁夢良弼審象極冥搜光武思故人物色在羊裘彭城有處士君恩貴
林丘股肱不爲用顏色徒相求

董卓劫慈明騎次以及伯喈歸子龍獨何人蚬蚬笑却唯唯高視梁陽
上片雲卷而懷古來高世士塵埃豈能埋

襄陽有高士生產不曾治何以遺妻子鹿門有深期籍籍齒牙論龍鳳名
諸兒諸葛拜床下可是圯橋師

孔公薦一鶚義烈爭秋霜矢心報知己討賊尊天王漁陽操英憤夫豈病

停征營門三尺枕

殺氣披攬槍

會稽嵇叔夜才氣浩不群平生癖於鍛餘好在榮尊不如一長嘯携琴學

蘇門可憐廣陵散奇弄今無聞

汝南許文休表亂一驚士敢富諸葛拜合受玄德鄙士論推指南無乃失

臧否乃知郡公曹排擯有公是

洛陽輕薄子挾彈走春嬉結交金谷友語事賈午兒蔑棄慈母訓乾沒不

知幾感已賦閒居猶以拙自悲

彈琴戴安道焦桐破奇聲蔚宗與文季俱以琴自鳴天子不得屈王公不

能聆獨憐諸司徒銀柱老齊伶

我愛王懷祖而壁售人罵不比少掾時贖日荅米價禰中頗有容坦之詎

能過桓桓大將軍漢業在出跨

青青五柳宅貧無三徑資去參建威幕爲貧良亦非彭澤八十日初爲逮

來婦乃知決然逝非爲鄉里兒首惡王休元酒亦無所辭華軒欲裁我我

心詎能違

韓信卜母地旁置萬人廬郭公卜鄰水長洲偶成墟千秋楊子空投棄向

江魚裸髮何爲者厭魅開群愚執借神丁火焚却青囊書

郭解精術數知晉必亡秦逃秦遠歸晉追兵殺亡臣洛陽牛背叟讀書孝其親涼州未經破先婦忽如神術人不靈已哲士固全身

騷雅去已久宮體爭哇淫洛陽風一變枳性隨人心鄉關思蕭瑟作賦哀

江南世調入金釵臂亡國有餘音

鄭州號男子

也鱗師識者惟客師鱗

客深沉有容量不爲同列知唾而成其

弟悅世一何卑君看白水澗沫頓宜驚

姚家有婢將腰佩雙青萍青萍夜脫匣忽殺程務盈爲書報殺狀伏劍隨

自刑吁嗟古義士豈復數荆卿

厚施而薄望郭解愧朱家大唐郭氏子擬手劍寒奸邪賄金四十萬主名

不知夸結客豪俠場此客實無加

昨日滿頭花堂上爭春妍今朝大風起花落玉津園舊地易淮陝取戲語

戒門可憐於期首不謝永州魂

東人送降欵西人納降城長沙李太守誓死城下盟高樓一舉火老鮮同

焦冥

寒離燕燕子大盜空沽名殺我南文山光祿日月青婦義終一醺臣道無
改更寧祇一天死不敵二地生尚憐廣西弟有愧顏家兄

遊虎丘與勾曲張白居遂昌鄭明德毘陵倪元鎮各追和東坡留
題石壁詩韻

涼舟海湧西坡陀緣素嶺陟彼閭閻丘俯瞰千尺井至今井中能上應星
耿耿居然辟歷飛腥腥洗蛙蚺已知湛盧精古憤裂幽礦肯隨魚腸逆寒
鋒助破區區來入郢功勇志亦馳騁丹臺納嫗媚金鏹碎骨鯁坐令金精
氣龍虎散俄頃花凝鍊壁堅木根黠山骨冷何哉幽獨魂白日歌夜永我
從陶朱來青山異風景豈無西家兒池頭弄風影五湖尚浮桴烟波不須
請

元夕與婦飲

問夜夜何其睽茲燈火夕月出屋東頭照見紫與冊老婦紀節序清夜羅
酒席石簫舞裊裊左瓊歌昔昔婦起勸我酒壽我歲千百仰唾天上姮
作酒中魄勸君飲此酒呼月爲酒客婦言自可聽爲之浮大白老婦日人
言天孫思婦不如月娥守孤不知弄婦相弄以弄易若織女相望以久之

也

五蓮曲爲金陵張氏妓賦

芙蓉出五沃，蕩漾水中央。託根遍七澤，濯影照滄浪。亭亭立淤泥，靜試岳井粧。使君青雀舫，夜夜宿花傍。爲結明璫蓋，覆此並頭芳。洛妃解瑤珮，王母薦瓊漿。似覺玲瓏玉，渴飲醲醑漿。白口忽成晚，粉面落秋霜。宿詫不結子，柔絲斷幽腸。波寒沉瀾傘，愁殺野鴛鴦。

素雲引爲玄霜公子賦

玄霜瑣漢呂氏月臺名也

清河美人姑射神，夢中認得梨花雲。朝朝暮暮不肯雨，瑤枝玉葉光輪囷。麗粧不染臙脂水，輕歌欲遏鸞笙起。五花細馬歇春風，羅帶飄飄白鵬尾。柔情易逐綠霞空，半掩春衣嘶玉龍。九點峯前指歸路，家住松陵東復東。桃葉桃根春已暮，又逐飛花度江去。梨園昨夜春雨多，回首孤飛在何處。何處孤飛去，復來直是玄霜百尺臺。

四景宮詞

漏痕新長蓮花斗，龍池草色連溝柳。憶春還又怯春來，日日春情殢如酒。小牀偷製錦回文，落地鍼聲暗驚手。夢繞梁三白蝶飛，西園鼓子花開後。

金刀落雪瓜如斗小殿風來水楊柳鳳窠長簾不成眠竊飲君王千日酒
傳宣今夜吹玉笙十指紅蚕捻輕手三十六竿調未齊小倚琉璃御屏後
露下金盤溼星斗池上烏啼千尺柳秋燈未寫桐葉箋春粧尚帶桃花酒
十二簾間乞巧橫小隊金針穿好手長生殿裏記恩私夜半牽牛掛樓後
黛螺新賜量成斗画眉日畫青青柳長得君王一笑看眠文不敢朝飲酒
盤珠夜製袞龍衣紅冰笋軟呵纖手坐聽人報曉簾櫳五聲寒點後

古井怨

井無水荒龍死水底嚙嚙話紅鬼仰天夜見黃姑星長繩捲起天河水

城西美人歌

并引

丙戌花朝後一日與客遊長城之靈山宴于城東老人所時偕遊者城
中美人靈山秀也酒酣作城西美人歌

長城嬉春春半強杏花滿城散除香城西美人戀春陽引客五馬青絲轡
美人有似真珠漿和氣解消冰炭腸前朝丞相靈山堂雙雙石郎立道傍
當時門前走犬馬今日丘塹登牛羊美人兮美人舞燕燕歌鶯鶯蜻蜒蛺蝶
蝶爭飛揚城東老人爲我開錦障金盤薦我生櫝柳美人兮美人吹玉笛

彈紅紫爲我再進黃金鵲舊時美人已黃土莫惜乘燭添紅粧

崔小燕嫁時

閨閣城中三月春流鶯水邊啼留人崔家姊妹雙燕子踏青小靴紅鶴背
飛花和雨著衣裳早裝小婢嫁文央離歌苦惜春好去去輕舟隔江島
東人西人相合離爲君歡樂爲君悲

金谷步障歌

金谷水派銀河流金谷時據三陣丘太僕卿君十二樓花草不識人間秋
蜀江染絲紅五色紫鳳銜絲終夜織剪斷鯨濤三島正天女江妃不敢惜
明珠量斛買娥眉時時玉筍障中吹紅鸞羣鴝飛在地香塵踟躕凝流脂
野鷹西來歌吹歇踏錦未收風雨裂樓前甲士屯如雲棧上佳人墜如雪
嗚呼董家即塢金成泥鬼燈一點燃空騎齊州奴何用爾只須豆粥與萍
蓬不見低金谷底野花作障山禽啼

鳴琴曲

斷虹落屏山斜雁著行安釘鈴雙啄木錯落千珠杵愁能啼玉海夜燕語
雕闌只應桓叔夏重起爲君彈

然龍

本竹秋龍

長洲曲

長洲水引東江潮潮生暮暮還朝朝只見潮頭起郎施不見潮尾回郎梳昨夜西溪買雙鯉恐有郎媒寄連理金刀剖腹不忍食尺素無憑贈還委西溪之水到長洲明日啼紅臨上頭

龍王嫁女辭

海濱有大小龍拔水而飛雷車挾之以行者海老謂之龍王嫁女故賦此辭率匡山人同賦

小龍啼春大龍惱海田雨落成沙砲天吳孽山成海道鱗車魚馬紛來到鳴鞘聲隱佩鐙琅璫姬玉女桃花粧只官美人筭十八新嫁南山白石郎西來態盈慶春塔結子蟠桃不論歲秋深寄字湖龍姑闌香廟下一雙魚

匡山人于立和篇

東方龍君嫁龍女雷車彭彭載風雨神奸夜邀觸骸語碧草無光愁露渚蛟宮綃寒珠淚泣鸞裙行迴翠痕溼阿環嬌小不成妝帝子霜田作湯邑膳脂蒙土吹海腥陽侯擊浪玻璃聲湖邊地皮薄如紙長堤捲作長江水

湖龍姑曲

湖風起浪如山銀城雪屋相飛翻白羅堅尾月中泣倒卷君山輕一粒浪
中拍碎岳陽樓萬斛龍驤半空立雨工騎羊鞭迅雷紅旗白蓋蚩尤開青
娥鬢髮紅藍腮紫綵絡頭雙黃能神絃歌急龍姑來神龜十一中之一

修月匠歌

按酉陽雜俎太和初有王秀才遊嵩山迷道見一人枕幞而坐
曰君知月乃七寶合成乎月勢如丸其影則日燦其凹處也常
有八萬三千戶修之予卽一數因作修月匠歌

天公弄九七寶鉅脆如琉璃拆如冰月中斤人八萬戶敕賜仙廚瓊屑飯
什什伍伍入杳冥妙手持天輕欲旋千斤寶斧運化鈞混沌皮開精魄見
羿家奔娥太輶脫須臾明破蓮花瓣十二山河影碎中輪郭重完冰一片
縹緲長懸玉臼飛堅牢永結妖藝患封蟬何用蛾虱臣功成萬古蒙天眷
一端蘭路不知年兔子花開三萬遍蘭路一作蘭路

夢遊滄海歌

東海之東去國十萬里其洲名滄洲地方五百里上有琉璃玉浪山沒九

岫如羅浮風光長如二三月琪花玉樹不識人間秋人易戲天鹿昆吾鳴
天球橘子如斗蓮葉如舟白鵝如雞紅鱗如牛青臚綠髮紫綺裘日夕洲
上相嬉游鐵崖道人隘九州凌風一舸來東澗始青天開月如雪錦袍着
以黃金樓樓中仙人脫物表瑤笙引鶴輶山頭戲弄玉如意擊碎珊瑚釧
相招元處士浩歌海西流長梯上摘七十二朵之青齒舊玉龍呼咄三萬
六千頃之崑崙丘黃河青淺眼中見海屋老人爲我添新籌

五湖遊

鴟夷湖上水仙舟舟中仙人十二樓桃花春水連天浮七十二黛吹落天
外如青瀝道人謫世三千秋手把一枝青玉蚪東扶海日紅桑樛海風約
住吳王洲吳王洲前校水戰水犀十萬如浮鷗水聲一夜入臺沼麋鹿已
無臺上遊訝吳飲舞吳鈎招鴟夷兮狎陽侯樓船不須到蓬丘西施鄭旦
坐兩頭道人臥舟吹鐵還仰看青天天倒流商老人橋幾奕東方生桃幾
偷精衛塞海成臨窺海鹽邱山漂觸醜胡爲不飲成春愁

茗山水歌

一作火嶠陳帝墳

茗山如画雲茗水如篆文使君画船山水裏蕩漾朝暉與夕曛中流棹歌

驚水鴨捷如競渡千人軍渡頭劉阮郎清唱煙中聞爲設胡麻飯招手越
羅紗既到車山口運過隘水濱東盛斗前折楊柳西莊流下初香片東村
擊鼓送將醉西村吹笛迎餘醺三日新婦拜使君野花山藥斑斕裙使君
本是龍門客宮衫脫錦披黃斤願住吳儂山水國不入中朝勢鵲群酒酣
更呼酒褰衣勸使君遊絲蜻蜓日款款野花蛺蝶春紛紛君不見城南風
起寒食近老農火畔陳帝墳

張公洞

正月八日記遊仙三十六天洞至洞中窗戶夜不扃地底風雷口相哄
嶢嶢靈骨誰手鑿納納虛符曷時頒龍鎮虎臥絡薜蘿委蓋垂旂挂鸞鳳
垂高玉屑陳金拌窪陷瓊漿流碼璽元田鴉色白於鷗丹室蛇光紅似蠟
石涵綠字紫泥封玄圃瓊華青子種白驪有迹踰石田金虎無聲飲銀朮
樵柯已爛商四朋蒞輦初過茅二仲牛車望氣待著青螺女行厨時進供
胡麻流飯阮郎來林屋刺船毛父通王生石髓隨手堅吳客求珠空耳縫
九靈太妙苞氣母五岳真圖特兒弄書傳丹篆亦何須石化黃金本無用
玉盆濯髮天雞鳴錢筭穿空神馬鞍符行律令鬼承呵聲出腦宮龍聽頌

未應片石隔仙凡溪上桃花自迎送毛父通惠作毛父題音同遇也

花游曲

至正戊子三月十日偕茅山貞居老仙玉山才子煙雨中遊石湖
諸山老仙爲妓者瑤英賦點絳脣詞已而午霽登湖上山欲寶
積寺行禪師西軒老仙題名軒之壁瑤英折碧桃花下山予爲
瑤英賦花遊曲而玉山和之

三月十日春濛濛滿江花雨溼東風美人盈盈煙雨裏唱徹湖煙與湖水
水天虹女忽當門午光穿漏海霞裙美人凌空飛步步上山頭小真慕
華陽老仙海上來五湖吐納掌中杯寶山結願問若榴木鯨吼罷催花板
老仙醉筆石闌西一片飛花落粉題蓬萊宮中花報使花信明朝二十四
老仙更試蜀麻箋寫盡春愁子夜篇

玉山才子者如瑛仲英也其詞云見本集 州見五郭羣表華陸仁馬
廖泰約臣藏于立屬和此詞皆爲先生所取

翼口石池天地花溟濛芙蓉暖紅旗颯颯風錦繡雨驅出雲裏玉龍搖落
養龍水寶坊壁堂山人門瓊裾佩飄飄輕裙僧娃愁絕行春步青孤泣

冷鴛夢。幾錢蛟飲。鉅風雨來。化官香。送瓊英。五王拉松。香粉雲袍。小扇
挑歌。紫牙板。葦蘿烟斷。東海西。雙瑤絨。札近新。迺青鳥不來。無信使。玉
鴈銜絲啼。十四真朱字。密愁滿。漫爲君重賦。花遊篇。

華曰。煙雲撲霧。搖空濛。遊絲弱。絮繁柔。風水蘭。載春石。湖裏手弄瓊英。
樹秋水。鐵笛仙人招。羨門鸞旌小。隊青霓。裙凌波。雙飛。連塵步。冶情設。
憶驚勢。墓踏青。擗鼓能幾來。便有一飲三千。五血色。葡萄疑水。槐鬱輪。
袍催紫。檀板雲旗。縹緲青鳥西。口銜紅巾。絨信題瓊林。宴中採春使。殷
子遄巡。賜緋四醉。携翠袖。寫銀箋。不數公子花遊篇。

仁曰。金烏流春。春氣濛花。雲蒸紅烟。承風星。船蕩向銀河。裏手浣銀波。
天在水。水光花色。照湖門。美人鬪倩笑。帶裙松陰。冶遊馳小步。踏遍湖
頭青草。暮泉壑。高目那起來。長生且進。麝酒。孟仰天。咲擊玉唾。婉美人。
按度。胡板。鸛黃東來。燕子西喃。喃交語如。囑題。不是神仙。西母使。漢
殿雙迴。青翼四仙人。手把五雲箋。笑人奪得瓊花篇。

摩曰。綺樓十二。浮空濛。寶衣翠綺。與勝風。宮裝窈窕。銀屏裏。鸛起呼名。
隔江水。荔枝木瓜花。覆門珠佩。丁東。搖曲裙。館娃宮裏。潘妃步。羅得一。

丘紅粉墓探花仙子何處來乳酒百罰行深杯夜闌酒倒揮五椀遮莫
城頭催漏板人生一身東復西花遊日日須留題尚記題詩連宮使字
落驢珠三十四金花重賜五雲箋製作清平樂府篇

約曰館娃宮殿春迷濛綠花芳菲嬌亞風油壁香車度花裏咲解珠纓
被春水水邊小艇忽到門緜緜綠潏金鵝裙游雲賦雨踏歌步青春喚
愁花下暮流光去去不復來縹酒且進芙蓉杯驪珠串落碧瑛斂鳳槽
聲催紅玉板宴遊未終山日西柔纖奉硯索新題風流文彩瑤林使肯
教玉人長十四宮中分膽行波更試一曲曉山篇

立曰煖雲香柳春濛濛綿航兩旗楊柳風美人娟娟錦船裏約燦瞳人
剪秋水阿娘養花花滿門洗花染作真朱裙窈窕行烟踏烟步野棠亂
落麒麟墓東風撲天駝馬來露香翠泣鴛鴦杯玉筍丁東鳴碧椀驚漸
二尺腥紅板瓊花起舞舞詞竹西錢岸酣春寫春題幽緒不憑蛭蝶使怨
絕水綵絃第四便裁此覓作雲箋寫入花遊第幾篇

嬉春體四絕

燕子衝簾過胡蜂採蜜歸折花香露溼不惜繡羅衣

水暖鵝驚渡風寒燕燕樓桃根與桃葉都在曲江頭
月過薔薇架雕鞍未到家小娃猶帶酒攔路奪人花
花氣不成雨點聲都是春戎裝飛上馬疑是漢宮人

湖上感事漫成四小句

湖水碧于天湖雲薄似烟鷺鷥不經亂飛過岳墳前
湖水明于鏡湖泥濁似涇祇應長血在染得水華青
海嶠浮西日閑梁轉北風蘇柳青未返愁殺雁來紅
將石星空竊望山鳳不飛惟餘霸頭水東去復西歸

與客登望海樓二首

蚤子雨開江上臺江頭野老不勝哀
蜃將樓閣空中落鱗引旌旗月下來
保障許誰爲尹鐸事諧無復問文開
可憐歌舞舊城闕又是昆明幾劫灰
裊裊秋風起洞庭銀洲宮闕渺空青
客星石落江龍動神馬潮來海雨腥
弱水無時通漢使精峯何事受秦刑
遠人新到三韓國中上文明聚五星

席上賦

羅洞蘭烟遠燭微三更三點妓成圍
魚吹綠酒常雙躍雁列瑤簫不獨飛

列朝詩集卷之二十一
三
陌塵送圖喧中射當筵呼慘促更水雞鳴樂極翻悽斷聞月纖纖照影啼

悼李忠襄王

羅山進士著戎衣汨落神州事已非百二山河驚易改三千君子誓同歸
天戈已付唐裴度客七那知蜀費禕賴有佳兒功業在東人重望捷淮淝

列朝詩集

甲集前編第七之下

列朝詩集

甲集前編第八

顧錢塘德輝二十六首

元臣三首

佐一首

晉四首

黃鶴山樵王蒙一十八首

雲林先生倪瓚七十九首

虞廣文堪十五首

白羊山樵張簡二十五首

陳處士汝秋一首

周山人砥二十八首

馬同建昌二十四首

張布衣田一首

顧錢塘德輝

德輝字仲瑛別名阿瑛昆山入四姓之後輕財結客年三十始折節讀書師友名碩購古書名画三代以來彝器祕玩集錄鑑賞舉茂才署會稽教諭力辭不就年四十以家產付其子元臣卜築玉山艸堂園池亭榭饌館聲妓之盛甲于天下日夜與高人俊流置酒賦詩觴詠倡和都爲一集曰玉山名勝又會稗其所得歌詩曰艸堂雅集淮張據吳避隱嘉興之合溪母喪歸綽溪張氏再辟之斷髮廬墓誦大乘經以報母自稱金粟道人至正之季元臣爲水軍副都萬戶仲瑛封武略將軍飛騎尉錢塘縣男洪武

元年以元臣爲元故官例徙臨濠二年三月卒年六十自爲墳志戒其子以紵衣桐目櫬屨布襪纏裹入土其婦塋綽墩也華亭殷奎爲之誌仲瑛自題小像洛馬摘阮補釋典寫道經最後則方床曲几與一老翁對語而題詩其上世所傳儒衣僧帽道人鞋絕句是也五象有石刻傳吳中後一象真本余得之構李項氏亂後失去

金粟家中秋日燕集

綽山古佳城左股接昆丘水作青龍來九派盤週道人金粟家在彼山之幽團團青桂樹枝葉相捲膠石削華表立碑刻金粟鏤人身無百年胡乃三彭仇四大偶一失九丹不能瘳肉血潰臭腐不朽唯髑髏棄之道路傍行者得溺洩狐狸與蠅蚋食噉紛相讐欲貽後之人以掩面目羞烏兔互出沒急行不入郵繼有萬丈繩誰能繫之留暖穴競螻蛄涼風滅蜉蝣榮名乃何物汲汲將奚求金谷珊瑚樹天網一父收美人化黃壤燕子巢空樓大印佩六國散金馳八騶一朝不得志車裂徇九州秦皇與漢武靈藥採仙洲玉棺塋地底金鳬出海甌梨花自寒食夜雨鬼啾啾飛錢化蝴蝶走燐驚鵲鵲混沌鑿不死儻忽何能休丈夫不解事老大傷白頭何如

種秫米壓酒日日筵今夕三五夕我已爲君謀長餅置十斛百結青絲兜
截江取紫蟹攀樹摘紅榴周垣設茵席矮几陳脯修步登白雲屏待月豁
醉眸劃然白蝦蟆抱出黃金毬又若摩尼珠躍出驪龍涎吐吞大地影晃
漾東南浮老兔玉杵臼搗作人間秋寶城三千里縮景歸還搜宮殿魚鱗
鑿林木秋雲稠素娥騎彩鸞舞雪翻霓裳手折瓊樹花競拂金精流化爲
五素芒落豕白瑤甌持滿向君語借箸請爲籌十載苦國難豪傑紛戈矛
鴻門碎玉斗桃園宰烏牛戰血蔽野艸餓莩填荒溝我時孀妻孀夜沈蒼
霄舟有兒握兵符承乏萬戶侯三年效忠歸身作抱官囚平生萬卷書怒
焚遭讎攸盧慕讀內典守節事清修親友散如雪雲樹空悠悠獨爾數君
子艱棘見何由今聞王師出卒伍皆兜鍪弄刀走官馬千里風颭颭相相
李將軍大旗西風去秋奪汴城今復追大酋屯兵泗水上漆窰扼賊喉
東南貢米粟連綱起歌謳我曹幸無恙坐見恢皇猷酒旗指南斗今茲會
綢繆請起各稱壽我亦相勸酌羣才盡敏捷用作釣詩釣青山忽大笑此
意君知否呼童酌大白酹此上一杯他時蓋棺了神隨和氣游申插空中
華撒手鞭蒼蚪東海招若士西池訪阿緤共看麻姑爪當座劈筴笑不必

兒女泪暗洒。窈窕愁達哉。司空圖吾今。乃其偉大書。勒崖壁永絕。生前遊
花游曲同。張貞居遊石湖和楊廉夫韻。

真娘墓下花。演漾碧梢小。鳥啼春風蘭舟搖。搖落花裏唱徹吳歌。弄吳水
十三女子。楊柳門青絲盤髻。鬱金裙折花賣眼。一回步。蛺蝶雙飛上春墓。
老仙醉弄鐵笛來。瓊花起作回風。盃典酣鯨吸。瑪瑙碗立按鳴箏。促象板
千光小。落行春西碧桃花下。題新題西家。忽遣青鳥使。致書殷勤。招再四
甯筵。奪得鳳頭牋。大寫仙人踢踰篇。

白雲海辭

鄭元祐記曰。丙申春。界溪顧君仲瑛。奉其母陶夫人。辟地于吳興東南
之商溪。居無何。母病氣決而卒。君奉函骨歸葬。綽墩結樓于堂後。名曰
白雲游。以寄其念母之思。新朝聞君才名。將授以爵秩。堅辭弗獲。乃祝
髮家。晝日誦大乘經。以薦母。

虞山幾千疊。千疊白雲飛。出山變蒼狗。入山爲白衣。不如化作雙白鶴。飛
向白雲深處落。向千能解說前身。不是當初舊城郭。

白雲樓歌三疊

白雲深白雲深白雲飛來知我心笑看觸石起膚寸斯須變作漫天陰山
人驅雲飛出牖一道龍光射南斗大星落落小星明萬物區區等芻狗舉
手招歸懷抱裡三日顛風吹不起怒排雨脚走空來捲入銀河一泓水四
野紛紛未倒戈其柰山人不出何有時乘雲釣東海世上空尋張志和萬
松嶺上雲如絮天賜山人作 注明朝說與雲中君白雲之樓是常住

歌二

白雲深白雲深高樓結在雲中心樓中之人白雲友日日醉卧梨花陰大
笑白衣對戶牖肘後黃金大於斗艸間逐兔縱得之九鼎熱油烹走狗爭
如高卧高樓裡未聽催歸聽喚起釣竿不釣北溟魚酒杯倒吸西江水何
須逐日怒揮戈其若花開雪落何空將朽索馭快馬籜雲放轡追羲和樓
外晴雲擘飛絮手拍闌干日如注青山排闥四海來面面青山白雲住

歌三

玉山盤盤窈且深中有樓兮砧山心白雲不斷護岩壑下與梧竹連秋陰
天風吹雲夜開牖城下易啼擊刁斗芒碭長途斷白蛇上蔡東門嘆黃狗
主人醉坐闌干裏雲影時看酒中起賞春不折背巖花烹茶自汲當門水

戰國紛紛競挽戈縱橫辯口誇隋何黃鍾不化大雅調五絃謾爾張雲和
君不見水上浮萍元柳絮也趁桃花流水注不似白雲日日閑只伴幽人
在山住

天寶宮詞十二首

寓感草堂雅集題云唐宮詞六
賦雅先生無題韻十首

天寶雞坊寵賈昌宮中蝴蝶上釵梁錦綉浴天驕子絳節朝看王大娘
王中坊藥金欄開內苑蒲萄玉觥酌西涼月支十萬資膳粉獨有三姨素
面粧

蓮花池畔暑風涼玉竹一作獨難迴文寶簾光貪倚畫屏調看一作翡翠誤開金
鎖放鴛鴦輕綃披霧誇新浴隨髻歌雲銜晚粧笑語女牛私語處長生殿
下月中央

五色卿雲護帝城春風無處不開情小花靜院偷吹笛淡月閒房背合箏
鳳爪擘柑封鈿合龍頭瀉酒下瑤甍後宮學做金錢會香木蘭盆浴化生

龍旂翠一作蓋擁鸞幢步輦追隨幸曲江鳥道正通天上路羊車直到竹
間窗桃花柳葉元無匹一作燕子鶯兒各有雙中貴向人言近事風流陣

真帝先降

秘閣香殘日影移燈分青玉
刻盤螭琵琶鳳結紅文本弦索繫縹緲綠水絲
金屋有花頻賭酒玉杯無子
不彈碁傳宣趣發明曉使南海今年進荔枝
近臣諧謔似枚臯侍宴承恩得錦袍扇賜方空描蛺蝶局看雙陸賭櫻桃
翰林醉進清平調光祿新呈玉
一作色醪密奏君王好將息昨朝馬上打

園勞

虢國來朝不動塵障泥一色
綉麒麟朱衣小隊高呵道粉筆新圖編寫真
寶雀玉蟬簪翠髻銀鵝金鳳踏文茵一從羯鼓催春後不信司花別有神
五王馬上打毬歸贏得宮花
獻貴妃樂起閤門邊奏少稱因臺寺諫書稀
侍兒隨幸皆頒紫骝子蒙恩
亦賜緋姊妹相從習歌舞何人能製妬黃衣
新製霓裳按舞腰笑他飛燕
怕風飄玉簪倒卧蟠條脫金鳳斜飛上步搖
雲母屏開殿
一作齊奏樂沉香火底並
一作吹簫只因野鹿嘶花去從此君

王罷早朝

宮衣窄窄小黃門躑躅初開
賜繚盆夜月不窺鵲鵲家春風每憶鳳皇園
愛收花露消心渴怕解金詞
見爪痕只有椒房老宮監白頭一一話開元
欽雅評曰十詩編聯甚麗消得錦半臂也

五家第宅近天家，侍女都封繫臂紗。池上桃開銷恨樹，閣中香進助情花。
風迴輦道鸞鈴遠，日射龍顏雉扇斜。韓虢並騎官廐馬，醉攬丞相踏堤沙。
以下二百集本有之，草堂大雅並不載。

十三女子擘篴篴，選作梨園第一流。却道荷花真解語，豈知萱艸本忘憂。
紅鸞不照深宮命，翠鳳常看破鏡羞。舞得太平并萬歲，五年誰賜錦纏頭。
堯文文學過訪賦別兼簡鶴齋薛真人 名義夫

艸堂五月少人過，門巷春泥柰雨何。滿樹枇杷鴛鴦盡，一堵芳艸蟻行多。
因思諸葛吟梁甫，却笑蘇秦說揣摩。老我哀年無白髮，從今也合號涪翁。
憶昨相過寂寞濱，白頭傾蓋豈如新。驚回亦壁三更夢，開遍桃花一樹春。
顧我老爲思樞馬，憐君遠作倚樓人。黃公壚畔三株樹，留待來時醉掛巾。
題宋徽宗仙山樓觀圖

宜和天子昔神遊，鳳駕行空過玉樓。此去有人言赤馬，歸來無處逐青牛。
分明尺嶽通玄圃，想像方壺接祖洲。莫把仙山作圖画，瓊花琪樹不勝秋。
夜宿三塔次陳元朗韻

水落南湖不露沙，又牽舫子到僧家。春浮大斗始始酒，寒隔虛櫺薄薄紗。

半夜簷鈴傳梵語一林江月照梅花坐來詩句生枯吻指點銀瓶索煮茶
次韻觀帖之什

水如燕尾出湖分合入長溪且到門韋杜桑麻元雨曲朱陳雞犬却通村
換羊賣馬囊中帖剜瘦懸匏竹裡樽昨日煩君來閱實扁舟短纜繫離根
自贊

儒衣僧帽道人鞋到處青山骨可埋還憶少年豪俠興五陵裘馬洛陽街
往鳳陽次虎丘

柳條折盡尚東風杼軸人家戶戶空祇有虎丘山色好不堪又在客愁中
湖光山色樓避暑口占

天風吹雨過湖去溪流雲出樹間樓上幽人不知暑釣簾把酒看虞山
覽元臣字國衡仲瑛之子初名衡至正乙未官寧海所正千戶十九年以
功升水軍都府副都萬戶國初以元官徙濠

和鋏厓竹枝詞

牡丹開時花滿闌芍藥開時春已殘等過三春今半夏重樓日日倚闌干
玉山佳處分韻得堂字

五山有佳趣張筵竹梧堂翠氣動空碧綠陰生暗芳
展漿銀碗凍尊縷翠絲涼最愛纖歌罷處庭月似霜

又得鳳字

梧竹遶高堂清陰滿坐涼春風人似玉芳艸句生香
綠酒傾鵬鵠瑤笙引鳳凰詩成歡未徹月色轉迴廊
覽晉字進道玉山仲子後名元禮

和鉄厓竹枝詞

楊白花開風滿天花開成絮不成綿不如落向西湖水
化作浮萍個個圓郎子別時秋月明說道歸時春水生
曉起門前聽過馬馬嘶都是別人行
玉山佳處雅集得艸字

客從桃源游愛此玉山好清文引佳酌玄覽窮幽討
流鶯答新歌飛花落纖縞分坐有雜英醉眠無芳艸

芝雲堂得生字

石根雲氣暖坐看紫芝生詩酒共爲樂竹梧相與清
仙人同跨鶴玉女對吹笙過雨添涼思停杯待月明

明見佐字翼之仲瑛兄仁之子

和鉄厓竹枝詞

阿儂心似潮水清願郎心似湖月明南山雲起北山雨雲雨明朝何處晴

黃鶴山樵王蒙

蒙字叔明吳興人趙文敏公之甥画山水師巨然得外氏法然不求妍于時爲文章不尚矩度頃刻數千言可就隱于黃鶴山自號黃鶴山樵人以此稱之元末官理問洪武初爲泰安州知州陶九成弔王黃鶴詩序云洪武乙丑九月初十日卒於秋官獄致清教錄僧知聰招云十二年正月往胡丞相府見王叔明郭傳華克勤在彼喫茶看画云云則知叔明坐罪亦以胡黨也

玉山主人畫圖

亂後重登蔣州堂主人延客晚樽涼風搖竹影書籤亂花落池波硯水香離別頓驚年歲改夢覺愁殺路途長欲知阮籍何由哭四海兵戈兩鬢霜

客中感懷

十年踪跡厭紅塵功業無成白髮新夢裡不知身是客覺來惟有影隨身

夕陽衰艸梁園暮細雨閒花楚水春馬足經行今幾度溪山應笑未歸人

閒適二首

綠楊堪繫五湖舟袖拂東風上小樓晴樹遠浮青嶂出春江曉帶白雲流
古今我愛陶元亮鄉里人稱馬少游不負平生一杯酒相逢花下醉時休
自笑愚公住翠微長年無事掩荆扉苔深綠綺閒棋局花落巖陵舊釣磯
紫木旋春明日飯白雲堪製暮春衣溪南千樹碧桃下醉倒東風夜不歸

宮詞

南風吹斷採蓮歌夜雨新添太液波水殿雲廊三十六不知何處月明多
仁和俞友仁見此詩嘆賞曰此唐人得意句也遂以其妹妻之

過姑蘇

山圍平野綠烟中江上蕭蕭兩岸風誰種閭閻明細柳年年飛絮入吳宮
門一作城

在平縣西門郵亭廢圃中有花名玉瓏瓏枝葉與瓊花無異但
遊層生與葉相間遠望如翠烟籠玉幽香撲人遂呼濁膠痛飲
下陳令取紙筆索詩兼醉走筆賦二律

誰司后土作花王，忍置瑤華官道傍。
衣袂不經塵世染，夢魂猶帶廣寒香。
孤蟾照破瓊林雪，飛蝶栖殘珠樹香。
天上人間惟有此，好將闌檻護荒涼。
何年碧海會瑤仙，雲製衣裳雪作鉶。
醉鎖素虬纏寶樹，閒騎白鳳下瑤天。
鶴林寺廢空流水，后土祠荒起暮煙。
慚愧郵亭一株雪，春風猶得路人憐。

題画

虎闌龍爭萬事休，五湖明月一扁舟。
綠簑衣上雪颼颼，雪月光中垂釣鉤。
釣得鱸魚春酒熟，仙娃酒酣嬌睡足。
雕胡炊飯斫鱸羹，一縷青煙燃楚竹。
篷牕曉對洞庭山，七十二峰青似玉。

陳維允荆溪圖

太湖西畔樹離離，故國溪山入夢思。
遶鶴未歸人世換，歲時誰奈斬蛟祠。

海子橋

暮登海子橋，西繞紅門歸。
霜風著官樹，葉葉帶紅飛。
據鞍吹短篴，乘月擣征衣。
江南冰雪裏，音信寄來稀。

有感

馴龍若御馬，下上何足奇。
飄搖海東鸛，司晨不如雞。
白雲本無心，每與仙

人期悠然岩壑麥卷舒豈無時偶來還自賞倏去令人思燕臺十二月雪
沒黃金基正月河水泮二月下流浙江南三月暮落花舞晴綠啼帆天際
來烟雨渡江遲淥波映吳樹雙飛錦鷗鵝相思極春水一夕到天涯

留別

調古世寬和村高自無羣種玉秘奇術還丹隱玄文披裘負薪士拾金非
所聞雖無箕穎節亦不慕高勲石田長芝艸暮春自耕耘曲肱枕耒耜長
歌至日曛所樂良在茲沒齒傷何云

姑蘇懷古

和陳惟寅韻

崔嵬靈巖山突兀姑蘇臺具區若明鏡曾照西子來王容今寂寞蒼海飛
塵埃

金精發奇氣劍去虎亦無鴟夷已浮江滕王不可呼沉沉數千載一鳥下
平蕪

英雄千歲後春州沒古墓王氣霄間電富貴薤上露百戰爭山河埋骨只
數步

錢塘懷古

青山俯碧海南狩建行都衛人悲鶴乘楚國賞羊屠雌雄不可辨千載歎城烏

烟艸埋鴻鐘劫灰隱金闕玉殿空明月春潮去不還十二白玉闌當年有誰攀

閣道流華月環佩空中行吹笙露臺夜桂殿待潮生千秋塵世換惟有大江橫

至正辛丑十月三日與惟寅徵君同宿愚隱老師丈室明燭烹茶作懷古詩老禪方兀坐在大覺清淨海中包涵虛空生在心內千古萬古皆屬前塵何暇迴作蒼蠅聲悲嘅之耶顧我跼蹐彈丸之地不服自悲復悲往世我不爲愚迺今老禪反號爲愚可笑也矣因寓所和詩爲塵中之塵耳

雲林先生倪瓚

瓚字元鎮無錫人其先以貲雄一郡元鎮不事生產強學好修所居有閣名清閼藏書數千卷手自勘定鼎彝名琴陳列左右松篁蘭菊數紆繚繞性好潔盥頰易水冠服振拂日以數十計齋居前後樹石頻頻洗拭見俗

士避去如恐免至正初天下無事忽盡鬻其家產得錢盡推與知舊人皆
竊笑及兵興富家盡被剽掠元鎮扁舟箬笠往來湖泖間人始服其前識
也洪武七年元鎮年七十有四始還鄉里寓其姻鄒惟高家遂死鄒氏楊
鉄崖云元鎮詩材力似腐而風致近古句曲張天雨錢塘俞和爲繕寫其
墓藏于家長樂王賓志其族葬吳人周南老志其墓皆曰元處士雲林先
生云

春日雲林齋居

池泉春漲深逕苔夕陰滿諷咏紫霞篇馳情華陽館晴嵐拂書幌飛花浮
茗盞階下松粉黃南窗雲氣暖石梁蘿葛垂翳翳行踪斷非與世相違冥
栖久忘返

雨中寄孟集

英英西山雲翳翳終日雨清池散圓文空林絕行屨野性夙所賦好懷誰
共語燒香對長松相與成賓主

贈天寧福上人

荆溪霜落後銅官日出初自櫺頭上髮更理篋中書上人從定起咏言方

繞除邂逅發微笑幻身同太虛

聽袁子方彈琴

蕙帳凝夕清高堂流月明芳琴發綺席列坐散煩纓迴翔別鶴意縹緲孤鸞鳴一寫冰霜操掩抑寄餘情

雙蛾精舍新秋追和戎昱長安秋夕

秋暑晚差涼茗餘眠獨早清風振庭柯寒蛩吟露艸晨興面流水西望吳門道不知人事劇但見青山好

送高太守之秦郵

秦漢置牧守猶古之侯伯封建而郡縣仁政固不易漢宣知所本留意二千石慎哉高侯車願循古轍迹

爲方厓画山就題

摩詰画山時見山不見画松雪自纏絡飛鳥亦閒暇我初學揮染見物皆画似郊行及城遊物物歸画笥爲問方厓師孰假孰爲真墨池挹涓滴寓我無邊春

奉謝張天民先生

鳴鶴將北歸，裴回舊栖處。江湖春水多，欲去仍回顧。稻梁豈余謀，繒繳非所慮。猶爲氣機使，暄冷逐來去。寥寥天宇寬，彼此同一寓。風萍無定踪，易散聊爲聚。君看網中魚，在疚猶相煦。

夜泊芙蓉洲走筆寄鍊師

芙蓉猶滿渚，疎桐已頽霜。泊舟菰蒲中，吳山隱微陽。因懷靜默士，竹林閤玄房。煮茗汲寒礪，燒丹生夜光。憶與鄭鄴輩，閑咏步修廊。時子有所適，顧瞻重尚羊。庭下生苔蘚，牖間繙詩章。奕勢鄭老勝，酒榼鄴生將。雅歌雜詠，諧列坐飛羽觴。子歸日已晚，棗栗亦傾筐。

述懷

讀書衡茅下，秋深黃葉多。原上見遠山，被褐起行歌。依依墟里間，農叟荷篠過。華林散清月，寒水澹無波。遐哉栖遁情，身外豈有它。人生行樂耳，富貴將如何。

丙子歲十月八日夜泊閬門將還溪上有懷友仁陸徵君

明發辭吳會，移舟夜淹泊。空宇垂繁星，微雲暝前郭。沉沉抱冲素，悄悄倚離索。歸掃松逕苔，還共踐幽約。

聽袁貞外彈琴一首有引

至正四年十一月袁貞外來林下公館留兼旬臘月十七日快雪初霽庭
無來迹與僕靜坐因取琴鼓之古五音蕭寥如茂松之勁風春壑之流水
貞外時年八十有二顏貌筋力未如四五許人爲言甫弱冠遭逢盛
明初宰當塗過九華山道逢神人與聚食之後數數見夢寐間若冥感
玄遇者貞外韞耀蘊真仕祿以自給不爲人所知豈郭恕先之流歟爲
賦五言一首

郎官調綠綺谷雪賞初晴雨忘絃與手流泉松吹聲問言踰八十二云嘗見
河清挂帆望九華神人歛相迎喚以海上棗歡愛若平生玄遇寧復得惜
哉遺姓名

已卯正月十八日與申屠彥德遊虎丘得客字

余適偶入城本是山中客舟經二王宅弔古覽陳迹松陰始亭午嵐氣忽
歛久欲去仍褰徊題詩滿苔石

古詩一首奉送友仁賢良之京師

吳山朝靄外閭門春雨餘趨忽孤帆遠天末浮雲舒君今北闕遊我栖南

山廬荷鋤事耕作閑戶味詩書高林鳴禽曙青苔行跡疎還期茅簷下一
枉故人車

懷寄強行之常州學官

君在西溪上年年楊柳春提壺坐柳下邀我見情真青葉已垂帶白花還
覆蘋別來今見柳思爾採芳芹

贈陳惟寅

隱几方熟睡故人來扣扉一笑無言說清坐澹忘機衣上松蘿蘭袖中南
澗微知爾山中來山中無是非三十不娶妻四十不出仕消搖岩岫間翳
名以自肆何曾問理亂豈復陳美刺高懷如漢陰終老無機事

對春樹

端憂對春樹影落身上衣美人手所成綉纒願無違步庭悲往躡瞻景惜
餘暉芳襟沾露濕蘭佩委風微凝思目的的染澤尚依依晨雞催夢短夜
鶻逐寬飛歡愛自茲畢憔悴損容輝

送馬生

送子淮南行繫舟江岸柳翠影舞晴烟落我盃中酒舉盃向落日春水浮

天碧時見白鷗飛雪光翻綺席應笑披羊裘獨釣江邊石

寄楊廉夫

吳松江水春汀洲多綠蘋彈琴吹鉄篴中有古衣巾我欲載美酒長歌東
問津漁舟狎鷗鳥花下訪秦人

次韻陳維允姑蘇錢塘懷古

釀酒劍池水玉壺清若無揮盃送落月山鬼共歌呼松間灯如漆白骨漫
寒蕪

耕鑿古隧穿乃吳桓王墓金鴈隨冷風黃鴈果呈露悲歌異今昔踟躕緩
歸步

仙人悲世換宴景在清都寒暑自來往英雄生釣屠錢塘江畔柳風雨夜
啼烏

江山國破後弔古一經行輦路苔花碧御溝菰葉生古跡今寧有新城江
上橫

送呂養浩之紹興

賀監宅前路荷花今亦無空餘湖上月照見水中蒲送爾作官幽絕處錢

東坡詩集甲前
二
塘江頭飛柳絮
飛絮事臨堤
滿夕嵐時有沙鷗自來去

徐氏南園對雨

櫻桃花欲落
風雨暮悽迷
忽憶郊園日
竹林通磻西
弱蔓滋野援
蘭葉長芳畦
念我當時友
蒿萊沒舊蹊

題西贈九步

故人鄭掾史
邀我宿溪船
把酒風雨至
論詩烟渚前
晨興就清盥
思逸愛春天
復遇武陵守
共尋花滿川

送徐君玉

閩江之水清
漣漪隔江名
園多荔枝
閩中女兒天下白
越波飛桡逐鳬鷺
棹歌清絕洲渚闊
蕩槳落日令人悲
蠻烟怪雨忽冥冥
蔣芽蒲葉相參差
此中勝事不爲少
徐郎遠遊牽我思

對梓樹花

去年梓樹開花時
美人明璫坐羅帷
今年梓樹花如雪
美人死別已七月
梓花如雪不忍看
沉吟懷思淚闌干
鳴鳩乳燕共悲咽
柳綿風急烟漫漫

題元朴上人壁

蕭條江上寺迢遞白雲橫坐待高僧久時聞落葉聲
鴟夷懷往躅張翰有餘情獨棹扁舟去門前潮未生

胎文舉

波光浮翠閣苔色上春衣楊柳鶯啼遶櫻桃鳥啄
飾榮名非所慕登覽意忘歸那水宜修禊重來坐釣磯

賦得機徵君荆南精舍圖

結廬溪水南勝處足幽探夏果落山雨春衣染夕嵐
風石欹招鶴磴門俯射蛟潭日日縈歸夢蕭條雪滿簷

北里

舍北舍南來往少自無人覓野夫家鳩鳴桑上還
誰種人語烟中始焙茶池水雲籠芳艸氣井床露淨碧桐花練衣挂石生幽夢睡起行吟到日斜

山園

春水鳬鷖野外堂山園細路橘花香栖栖身世兩盈蔭漠漠風烟酒一觴
豈爲任真無禮法也須從俗者冠裳不營產業人應笑竹本桃栽已就行

林下遣興

眼見藤梢已過墻手拈書卷復堆床閑臨水檻親魚鳥欲出柴門畏虎狼
冠製不嫌龜殼小衣裾新剪鶴翎長從來任拙唯疎懶一月秋陰不下堂
春日

閉門積雨生幽艸歎息櫻桃爛熳開春淺不知寒食近水深唯有白鷗來
卽看垂柳侵磯石已有飛花拂酒盃今日新晴見山色還須拄杖踏青苔
二月十日玄文館聽雨

卧聽夜雨鳴高屋忽憶陂塘春水生何意遠林飢獨鶴若爲幽谷滯流鶯
成叢枸杞還堪采滿樹櫻桃空復情二月江頭風浪急無機鷗鳥亦頻驚
雪後過陳子貞隱居

陶公卜宅南村裏快雪初晴思一遊樹辨微茫來獨鶴棹搖欹側散輕鷗
壘池繞溜春冰滿塵榻緝書夕照收相見惘然如有失掉頭吟咏出林丘
贈別益以道書記

一笑相逢豈有期因懷西嶺話移時李公祠畔空餘月陸子泉頭舊有詩
旅思懷懷非中酒人情落落似殘棋雲濤眼底三生夢鷗影秋汀又遠離
寄張貞居

不但入城踪跡少南隣野老見猶稀狂歌衰鳳聊自慰舊學屠龍良已非
蒼蘚渾封麋鹿逕白雲新補薜蘿衣羊君筆札誰能繼欲讀靈文一扣扉
春日試筆

喜看新酒似鵝黃已有春風拂艸堂二月江南初變柳扁舟晚下獨鳴榔
苔生不礙山人屐花發慙連野老牆美酒已拚千日醉莫將時事攪離腸
寄天民張先生

清溪演漾綠生蘋溪上軒楹發興新只欠竹陰垂北牖儘多山色近南津
湖魚入饌長留客沙鳥緣階不避人愧我萍踪此淹泊片雲回首一傷神
居竹軒

翠竹如雲江水春結茅依竹住江濱階前迸笋從侵逕雨後垂陰欲覆隣
映葉黃鸝還自語傍人白鶴亦能馴遙知靜者忘聲色滿屋清風未覺貧
寄張德常

身世蕭蕭一羽輕白螺杯裏酌滄溟逍遙自足忘鵬鷖漫浪何須寄姓名
石鼎煮雲聽夜雨玉笙吹月和松聲憑君爲問張公子曾到良常夢亦清
題張以中野亭

人境曠無車馬雜軒楹只在第三橋開門艸色侵書幌隔水松聲和玉簫
一榻雲山供夏簟滿江烟雨看春潮君能擷取飛霞珮天際真人近可招
次韻奉荅德常別駕初夏見懷一首

隔浦鼉鳴似打衙雲濤城郭夕陽斜汀前露冷魚鱗屋窓裏烟輕蟬糝紗
沛澤風雷時遶几談空衣袂不沾花欲分香飯能來否菩薩如今只在家
送張鍊師遊七閩

高士不羈如野鶴忽思閩海重經過舟前春水它鄉遠雪後晴山何處多
殼鯨卧雲芳艸細鉤輶啼樹野烟和武陵九曲最清絕落日采蘋聞棹歌
杭人有傳余死者貞居聞之愴然因賦此以寄

果園橘熟誰分餉茅屋詩成嬾寄將衰謝皆傳余已死迂疎真與世相忘
夜分風雨鷄鳴急天濶江湖鴈影長寥落百年能幾面論文猶及重銜觴
題孫氏雪林小隱圖

天地飄搖一短篷小窗虛白地爐紅儵然忽起梨雲夢不定仍因柳絮風
鶴影離襪簷上下鹿迹散漫屋西東杜門我自無干請閑寫芭蕉入畫中

送杭州謝總管

南省遙阻北京張公開府任豪英守臣視爵等侯伯僕射親民如父兄
錢廟有碑祠夜雨岳墳無樹着秋聲好將飲食濡飢渴何待三年報政成
上巳日感懷

石梁破屋路欹斜似華陽道士家漠漠春雲飛別鶴潺潺夜雨雜鳴蛙
閑看稚子翻書葉時有隣翁汲井花日莫傷心江水綠共舟人已蹕飛霞
贈張玄度時方喪內

吳松江水似荆溪九點烟嵐落日西寂寂郊園寒食過蕭蕭風雨竹雞啼
蕙花委砌心應折芳艸歸途意轉迷曾得曾連消息否春潮隨雨到長堤
寄熙本明

在山無事入城中每問歸樵得信通松室夜灯禪影瘦石潭秋水道心空
幽扉獨掩林間雨疎磬遙傳谷口風幾度行吟欲相覓亂流深澗隔西東
白首遙知得道餘不聞詩思近何如高齋夜雪同誰話古木寒山獨自居
夢裡只尋行去路愁時聊讀寄來書夕陽溪上多飛鳥若個能看影是虛
三月一日自松陵過華亭

竹西鶯語太丁寧斜日山光澹翠屏春與繁花俱欲謝愁如中酒不能醒

鷗明野水孤帆影，鶻沒長天遠樹青。舟楫何堪更留滯，更窮幽賞過華亭。

寄盧士行

閩間浦口路，依微笠澤汀。邊白板扉照，夜風燈人獨宿。打窓江雨鶴相依，畏途豈有新知樂。老景空思故里歸，擬問桃花泛春水。船頭浪暖鰕魚肥，送徐子素。

山館留君才一月，梅花無數倚霜晴。垂簾幽閣圖雲影，貯火茶爐作雨聲。深竹每容馴鹿卧，青山時與道人行。歸舟載得梁溪雪，惆悵隣鷄月四更。

別章鍊師

方舟共濟春江濶，訪我寒烟菰葦中。鼓柁斜衝蕢葉雨，釣簾半怯杏花風。仙人壇上芝應碧，玉女窗中桃未紅。擬趁輕帆數來往，縹壺不惜酒如空。

寄養正

得君佳句清如玉，秋色驚人換物華。老境侵尋真有感，故園隔絕更興嗟。女蘿綠遍牽茅屋，烏桕紅明暎落霞。欲酌一尊澆磊塊，幾時邀子過田家。

喜謝仲野見過

堦下櫻桃已著花，窓前野客獨思家。故人攜手踏江路，拄杖敲門驚夢華。

藉艸悲歌聲激烈停杯寫竹字欹斜新蒲細柳依依綠西北浮雲望眼

送僧遊天台次張外史韻

四明山水名天下師去那知客路遙雪霽驚鷹騰宿莽月明寒鵲集陳條
坐尋雲頂千峰石歸趁江頭八月潮說與住山光老子送賓也合過溪橋

過許生茅屋看竹

舟過山西已夕暝許生茅屋遠人羣鑿池數尺通野水開牖一規留白雲
煮藥烟輕衝竈出碓茶聲遠隔溪聞可憐也有王猷興堦下新移少此君

寄顧仲瑛

江海秋風日夜涼虫鳴絡緯尚練裳民生惴惴瘡痍甚旅泛依依道路長
衰柳半欹湖水碧濁醪猶趁菊花黃知君習靜觀諸妄林下清齋理藥囊

思歸

久客懷歸思惘然松間茆屋女蘿牽三杯桃李春風酒一榻菰蒲夜雨船
鴻迹偶曾留雪渚鶴情原只在芝田他鄉未若還家樂綠樹年年叫杜鵑
中秋脾疾不飲有感

經旬臥病揜山扉岩穴潛神似伏龜身世浮雲度流水生涯煮豆爨枯其

紅螺捲碧應無分白髮悲秋不自支莫負尊前今夜月長吟桂影一伸得
竹枝詞二首

春愁如雪不能消又見清明賣柳條傷心玉照堂前月空照錢唐夜夜潮
啾啾歸鴈度春江明月清波雁影雙化作斜行箏上字長彈幽恨隔紗窗

三月廿日題所寓屋壁

梓樹花開破屋東隣牆花信幾番風閉門睡過兼旬雨春事依依是夢中

聞竹枝歌因效其聲二首

鈿山湖影接松江橘葉青青柿葉黃要寫新愁寄音信西風斷鴈不成行

江流不住楚山青船到潯陽幾日程不忍寄將雙淚去門前潮落又潮生

題西贈僧

笠澤依稀雪意寒澄懷軒裏酒杯乾篝燈染筆三更後遠岫疎林亦耐看

自題小画

逸筆縱橫意到成燒香弄翰了餘生窗前竹樹依蒼石寒雨蕭條待晚晴

吳中

望中烟艸古長洲不見當時麋鹿遊蒲目越來溪上水流將春夢過杭州

題画

餽得城東三畝居水光竹色照琴書晨起開門驚宿鳥詩成洗硯沒遊魚

題画

卷画溪頭喚渡銅棺山下尋僧水榭汀橋曲曲風林雲磴層層

集外詩

六首

碧雲林壑圖奉贈南琛長老住碧雲禪寺

碧雲林壑杳重重此去風流似簡公春藥確開湍激下吟欣蛩響月明中
結茅擬候芝三秀眠鹿應遺地一弓聞道重居開竹牖待余艇子過溪東
疎林遠岫圖寫贈子素徵君

已從滬鳥狎雲深老我無機似漢陰采采菊花猶滿地蕭蕭霜髮不勝簪
南遊阻絕傷多壘北望艱危折寸心家在吳淞江水上清猿啼處有楓林

烟雨中過石湖三首

烟雨山前度石湖一奩秋影玉平鋪何須更剪松江好染空青作画图
姑蘇城外短長橋烟雨空濛又晚潮載酒曾經此行樂醉乘江月卧吹簫
愁不能醒已白頭滄江波上狎輕鷗鷗情與老初無染一葉輕軀總是愁

自題設色山水贈孟膚徵君

秋潮夜落空江渚曉樹離離含宿雨伊軋中流間櫓聲卧聽漁人隔煙語

虞廣文堪

堪字克用一字勝伯宋丞相雍公諸孫也後家長洲隱居不仕家藏書甚富手自編輯尤重雍公遺文雖千里外必購得之乃已好爲詩兼能寫山水洪武中爲雲南府學教授卒于官子鏞教授里中孫湜始去儒湜之子權家益貧盡斥賣先世故物以供衣食權歿時勝伯所藏詞翰無慮數篋妻子以一魚鬻鬻置屋梁久之併其鬻亡矣吳中故世儒家虞氏與南園俞氏爲最兩家人本朝至永樂中而微至弘治初而絕徵文獻者爲三嘆焉

看帆二首

襄陽丘彥童僑居笠澤數年闢小軒與搖成江直風颿沙鳥如在几席間余嘗爲扁曰看帆而爲之記今從海上還重過軒中留住屢日乃相與徘徊間關而鄉情客思共有感焉故復賦之以詩

蚤覺浮生類轉蓬江湖元不恨西東十年歛迹居林下萬里遊情付夢中開闢豈嫌梅子雨往來難信石尤風青山坐老堆黃髮奈爾滔滔泣路窮

一日幾番雲作陣百年如若蜚旋堆南金逐翠登燕埭北屬隨貂到楚臺
採藥已將童女去浣紗曾送美人來名奔利役何休歇日落長天數去回

自畫萬壑松風圖歌贈天台朱秉中梅花巢

天台萬八千丈山桃花久不流人間上當牛斗開天閔仙人幾度招我窮
幽攀瓊臺玉關迥寂寞石橋且滑空潺湲曾識高人姓朱者讀書縛屋蓮
峯下一從畫得龍馬神龜文走獻天子登天閣天子莫可官歸來老田野
最喜兩兒郎綠髮更瀟灑大者賦遠遊不肯卑微休仲也誰與儔愛我畫
滄洲聊將水墨趣寫此空岩秋鴈蕩雲連赤城暮瀟湘雨裏蒼梧愁我愛
仲也琴傾耳大賞音南風散五弦爲我開煩襟栖鳥夜啼秋月墮黃鸝曉
轉春花深君不見畫中絕是琴中趣萬壑秋風滿松樹應有梅花可結巢
隨意青山看雲去

自畫山居圖歌贈宜春朱隱君地理專門

朱侯有隱居迺在宜春間東遊久未已浩蕩忘其還山川神氣具在眼窮
幽蹟隱知何限黃河之源出崑崙千里萬里盤旋屈折支天根自從開闢
分九州大噫噓喻生氣浮綿延直接無盡頭奔澎湃不息入海流海門限水

迴蛟蜃碣石排風駐馬牛從此山川極
既粵秦王之石禹王穴朱侯朝覽
赤城霞暮看山陰雪山陰溪中釣魚者
舊廬亦在青城下胸中丘壑渾天
成手把風雲目揮酒宮鷄外鴻濛前
來龍起伏頃刻真宛然長松古檜亦
偃蹇不似艸艸生風烟朱侯長相見
談笑共刮日脫屣白石上滄浪歌濯
足愛山之癖奈侯酷聊以尋幽畫茅屋
青山隔溪轉白雲就簷宿不短挂
猿藤頗長棲鳳竹画成送侯當早歸
越來溪傍花正飛春山嶽長薺菜肥
何待滿樹風雨鉤輶啼朱侯朱侯此
別勿歎惜一飯勸君當努力但將雞
犬深入雲莫管桃花盡狼藉此畫挂
向艸屋壁讀書萬卷守勿失從教門
前泥潦三尺深深掩柴門莫輕出

朱叔仲山水引爲鄒生作

看山朝不飯畫山夜不眠西蜀書生有此過傳癖呼鐙索酒忘青年東吳
朱家叔仲子愛畫更覺入骨髓清晨起來頭不梳快展溪藤潑秋水長年
買船上會稽耶溪雲門隨所之越人煮海競取富孰肯相逐探幽奇歸來
自喜胸腹飽磊砢崢嶸揮不了東家賴子高丈尋落筆唯嗔烟嶂小鄒生
拜揖長衣裾得画一紙七尺餘就中貌得戴安道一丘一壑松兩株前年

我亦画匠廬還有松巢安讀書昔年李太白最愛雲端巢焦桐不著童子
抱先生自是乘籃輿仙人自在第九壘牧豎樵夫皆可居朱叔子鄒陽生
世俗那辨關與荆齊君不好瑟王子自吹笙何當與子坐待海晏風塵清
更作崑崙頂上行

瓢隱曲歌

溪山昨日風雨來溪上船子衝潮回白鷗微茫度鳥嶼綠樹恍惚迷塵埃
烟昏氣黑夜滂渤石梁茅屋多傾頽壺公画裏何悠哉寫此世外之蓬萊
弱水不渡良可哀

朱澤民山水歌

江山青青江水綠市上何人吹紫竹避暑官前不見春落花滿地遊麋鹿
千古江山列画圖朱侯解寫咫尺烟模糊扁舟依然在洲渚應可自此歸
五湖昔人去者今有無昔人去者今有無

旅懷

野閣篝燈獨夜時苦熱風雨失歸期夢回蜀道關山險行盡江南艸木衰
縱酒爲憐花落去懶眠重恨月來遲不知鳴鳳飛何處老却梧桐第一枝

春興

十日寒風剪落梅東西撩亂雪盈堆王孫何處尋芳艸野老多情踏舊苔
須覺繁華隨水去斷无行跡過橋來黃昏寂寞徘徊久安得清樽爲爾開

十月十七夜舟中作

江漢月輝輝孤舟一夜歸白沙漁聚火清露客霑衣櫓約寒潮響鷗聯宿
鴈飛人間成底夢吾獨轉忘機

春興

原頭芳艸綠如茵寒食江南已過春飛絮漫天兼繞路落花如海倍愁人
夜雨水竹居聽彈箏

繁溜響簷牙深堂靜不譁坐來聽夜雨歌起酌春霞燭小銀花墜筆低玉
柱斜俄聞關塞曲飄忽思如麻

南城祚真精舍寓宿呈熙哲二公

塵世意忘情還來訪惠明一燈懸夜榻萬竹起秋聲虎嘯風連屋烏啼月
滿城坐忘渾不寐相對話無生

寄馬民立在越上并簡孟季成

半生書劍各飄零千里相思望窅冥春水鷗邊吳樹綠夕陽馬上越山青
依劉已是同王粲適度何由似管寧故舊見君還問我釣船只說寄烟汀
題盛子昭臨吳興公溪山釣船圖

著我春江聽雨眠漚波亭下水如天當時度得參差玉吹起春風滿釣船
午日訪沈元圭席上次黃舜臣韻

一簾葵錦爛晴霞五色絲虹暎臂紗玄藥白消頭上雪絳榴誰插鬢邊花
茶烹石鼎從施禁詩寫蠻箋學破邪不是西山黃石叟難逢東老地仙家
次韻答公權見貽之句

一日風塵涸洞時百年身世轉堪悲豈無懷抱同千古誰共登臨望八垂
爲客謾投鸚鵡賦傷春多在杜鵑詩窮途覆轍遲徊久莫道爲輪不用規
題趙松雪畫四首

江上晴天錦綉紋丹崖紅樹思紛紜毫端染得秋無際猶是蒼梧幾片雲
王孫今代玉堂仙自畫蒼溪似輞川如此青山紅樹底那无十畝種瓜田
玉簫吹斷幾黃昏南國風流竟莫論帝子不悲秋色晚墨痕何以著啼痕
竹色蕭蕭木葉齊石邊芳艸迥凄迷斷猿月落愁人去正在黃陵廟裏啼

成都使君王季野席上次韻奉呈僧巢初菴雲林玄素子素諸公
隱者分湖住高士雲林栖菴散汀看鷗去桃花隔屋聞雞啼每同杖屨
踏春堤詩筒酒榼前後提公子風流迺相愛縷引嬋娟生黶黶纖歌細舞
交驩從翠璫玉佩花龍憲蘭亭之下暮春會飛觴列坐千載同莫訝眉山
長帽翁高譚雄辨顏酡紅頰然自謂謫仙侶欲舉石象超鴻濛丹丘子陶
朱公人間歲月駒過隙不飲莫待兩鬢成衰蓬君不見東風曉作梨花夢
白雪飛來已半空

贈筆生施廷用

名人藝者名藝筆馮陸當年稱第一馮陸之前謾有人良工若個當儔匹
吳興遺老舊王孫憶昔被詔遊帝闈白玉堂中留補袞馮也陸也此日其
藝皆其掄玉堂仙去馮陸死遂有時名落人耳後來溫生楊生皆擅場鄉
里而今有孫子幾家有藝如有田侯門曳裾筆滿船先生兄弟懶歸去更
有施生爭後先施生施生良獨苦一棹江湖正風雨雪滿頭願塵滿髯過
我烟江闔廬浦吾儕自顧非華陽奚足爲爾分強良聊復臨池掃硬黃雲
烟脫平生光芒快馬追風忽當陳鉅戈利劍森交張跳龍卧虎畏頗素便

欲掇出參鍾王甫知老髯絕藝得精法差可辟易數輩又于陸也相錮
宜州免越州竹慎勿貪書瘞筠籠竹已廢萌茁亦飽狼腹春管秋毫取
次生應待山中氣清肅作歌贈君歸計促不足傳人喻珠玉重來過我烟
江曲爲君展破鴈波綠

讀饒介之遺徐允中書

介之善張旭懷素書妙一時人往往爭得之以爲奇玩而徐所蓄尤多
裝輯成卷眎若名言世珩然皆務誇張矜滿之辭略无一語能及國及
民如云當年僕過吳陵時知有諸豪傑今日乃得爲刎頸交又云允中
人傑肯與僕領此夙志矣噫觀夫此得不爲果亡必敗之識耶今此卷
散落民間使人一展覽便殊不滿

揮毫艸艸入狂顛歲月犹題破國前郭曉不言才漫爾田單失計事徒然
穴中虎子終探物夢裏麟兒底訖賢總爲有生鍾禍識絕憐無處託樓船
爲王允同題陳惟允畫荆溪圖

好山都在太湖西滿路風烟棘刺迷華屋燕飛今在否市橋官柳不勝題
白羊山樊張簡

簡字仲簡吳人初師張伯雨爲黃冠隱居鴻山元季兵亂以母老歸養遂返巾服洪武二年召修元史顧仲瑛曰簡於詩淡雅有陶韋風翰墨無俗氣而暗合書法王子充序仲簡詩亦曰溫麗清深有類韋柳王元美曰勝國時法網寬大人不必仕宦淪中每歲有詩社聘一二名宿如楊廉夫輩主之晏賞最厚饒介之分守吳中自號醉樵延諸文士作歌仲簡詩擅場居首坐贈黃金一餅高季迪白金三斤楊孟載一鎰後承平久張洪修撰爲人作一文得五百錢

醉樵歌

東吳市中逢醉樵鐵冠散側髮飄蕭兩肩屹屹何所負青松一枝懸酒瓢自言華蓋峰頭住足跡踏遍人間路學書學劍總不成惟有飲酒得真趣管樂本是王霸才松喬自有煙霞具手持崑崙白玉斧曾向月裏砍桂樹月裏仙人不我與特令下飲洞庭春興來一吸海水盡却把珊瑚樵作薪醒時邂逅逢王質石上看棋黃鶴立斧柯爛盡不成仙不如一醉三千日于今老去名空在處處題詩惜酒債淋漓醉墨落人間夜夜風雷起光怪

春日齋居卽事

垂簾覺春靜水檻幽情多蘭香舞雙蝶淅淅浮羣鵝激激晴雲度輝輝野
氣和新柳帶長坂飛花泥輕波閑居違佳景芳事俱凋訛忽忽已初夏綠
暗青山阿

初夏偶成

清風度虛閣飛花集羅幃方欣晝晷永不覺春光啼鳴琴發逸響嘉樹含
清輝幽情多默悟淡景寧相違覽書感澄寂獨閉南齋扉

次韵落日墟上晚眺

荒墟屬晚眺日暮煙華消落花散芳渚孤雲度晴霄感物微情切懷人幽
思通辛夷花未發難寄最長條

題趙彥徵画

吳興佳山水遠近蓄清光岑崟金蓋峰秀色獨蒼蒼烟雲互出沒草木生
風香長橋接迴溪積石倚崇岡樵漁識徑幽於以樂深藏擊鮮列魴鯉敢
翳理松篁晨雨况可鉏春泉亦堪湘旣已長孫子所願安是鄉嗟哉風塵
中何由得尚羊趙君鍾祁秀揮洒發奇章卷圖思舊游掩抑不能忘

送王子充歸金華

春入長洲苑東風已及時苑中垂楊樹吹作黃金絲送君出春城蟻舟折
柔枝以此聊贈遠相別仍相期君歸金華山當逢牧羊兒母因入山去遂
爾來遲遲楊柳飛花日待君同賦詩

送徐教授曉山歸武林

三年言子邑寂寞鼓鳴琴官舍冷如水杏花春滿林化風教薄俗清氣集
虛襟歸去吳山下青青艸正深

次韵荅強仲端

花落紅雲鳥風生白玉題真人不出戶芳樹自成蹊掃地雨初歇開簾
正啼此時不一見春思轉萋迷

閔真誥

長史昔好道鏤真三秀峰夜感紫微仙降集華房中鸞鳥鳴素月翠旌颺
琅風摘辭托謠寓讀揚皆真宗中有資霞人可以回嬰童刻之白玉檢藏
之華陽宮真人有仙氣乃得探其踪我生慕玄素無由啟愚蒙嘯咏金玉
章靈音朗九空懷仙起真想颺然精靈通焉能出羈絆歟忽驂雲龍

次韻慶雲衲二首

數竿修竹便爲鄰，有力任春未是貧。世事空隨流水駛，閑心自與白鷗馴。
更招遼海傳書鶴，爲問玄洲種玉人。還有佳期同晚歲，白頭相對豈無因。
東來孤鶴下林梢，破屋蕭條不剪茅。洗玉池頭雲氣合，繡經臺上樹陰交。
閑心詎遣神爲馬，辟世方慙祝代庖。忽寄新詩到玄圃，清歌復藉玉壺敲。

次韻范德原與倪元鎮城南倡酬之作

高士叩門方倚馬，先生與客正爭棋。也知溪上多佳集，亦到山中傳好詩。
滿地綠陰敷坐處，隔林黃鳥把杯時。城南我欲相尋去，買下扁舟恐後期。

次韻范景逸立春日病中之作

歲莫西岑雪未晴，范公祠下少人行。探梅踏凍煩丹使，扶病迎春問麴生。
石竈茯苓和雪煮，雲根流水似冰清。瓜田數畝春泥暖，好課巖中子弟耕。

送呂惟清歸畊蕪湖

蕪湖郭裏野田花，曾見南朝舊將家。九月荒茨飛社燕，千年喬木噪寒鴉。
江山風雨殊今昔，文武衣冠起歎嗟。扶策歸畊有孫子，寧辭辛苦荅春華。

次韻張田秀才見寄

樹杪青虫晴展絲，春城風物似年時。貧餘許邁食金法，閑有陶潛飲酒詩。

芳艸青青連野闊，征鴻歷歷度江遲。
長洲故苑烟花外，千里懷人入夢思。

長句寄叔方先生

盧橘花開梓樹疎，故人安穩在樓居。
翠眉狎坐春行酒，絳帳懸燈夜讀書。
未必醉來忘簡寂，祇緣老去尚高虛。
離羣應念任春者，道遠天寒欲命車。

破山礪上聽水

破山龍去雨初歇，坐聽飛泉潑石崗。
萬壑風雷喧地軸，九秋雲露瀉天潢。
好從細艸陳瑤席，更趁飛花送羽觴。
飲犢上流奔軼者，何年來此結茆堂。

寄阿山

寘憶鳳雛年十四，臨池愛學漢中郎。
西齋舊種櫻桃樹，今歲還應共汝長。
遊石湖治平寺用唐人許渾所題詩韵

湖上春雲挾雨來，楞伽山木盡低摧。
吳王廢塚花如雪，猶自吹香上舞臺。

和楊鐵厓小臨海四首

重見七集下

歌罷霓裳曲，分行舞廣庭。
天壇看星斗，散亂若浮萍。
雨過積金頂，芙蓉萬朵青。
神魚不飛去，風伏翠濤腥。
憶坐松根石，相看說大還。
昆侖雲一朶，喚作九華山。

仙花雲萬疊浩劫與春開却笑珊瑚樹焦枯作死灰

題雲林竹

笠澤莊頭道士家書窓風竹翠交加新梢便有凌雲勢高出牆簷掃落花

周玄初來鶴詩洪武己巳

手把芙蓉攝羽裙飛書南啟魏元君祝融峰頂雲初起借與長風送鶴羣

陳處士汝秩

汝秩字惟寅本廬山人家五老峰下父徵字明善是爲天倪先生始卜居于吳天倪卒惟寅與其弟惟允力貧養母有聞于時惟允爲淮張所辟親信用事聲勢甚盛惟寅兵後不能卜一廛饒介之謀僦屋以居倪元鎮爲作疏安貧靜退視其弟之赫奕若弗聞也國初以人才徵至京以母老辭歸洪武乙丑以疾考終于家

題王叔明溪山圖

前身定是王摩詰黃鵠溪山似輞川薜荔十尋懸綠樹芙蓉千仞倚青天長歌不用來招隱閉戶當應疏艸玄怪底西風波浪惡披圖莫上五湖船

周山人砥

砥字履道吳人寓居無錫博學工文詞兵亂避地與義興馬治孝常善往
谷荆溪山中治爲治具中車泛舟窮陽羨溪山之勝有荆南倡和集義興
多富人與治厚善者咸治酒爲具召履道履道心惡之一日貽書別治夜
半遁去歸吳與高錫諸人游書画益工已又去之會稽歿于兵

出西澗過龍巖途中瞻眺

適意窮山水覽物春時候蘭薄迷煙孕桐林仰雲逗却立駐幽躅前臨縱
遐觀谷鳴振嚶嚶川響復瀏瀏衝颺激高竹晴曦艷寒溜能覆翠羽戢石
觸金鱗皺妙合理無遺心怡興難究逼仄緣石磴岵嶢陟雲構豈惟廬霍
期攬此巖寧秀素履非行險逸想仍冒詭遙遙此中情殷以謝紛揉

登西岡望龍池諸峰贈馬二山人

登臨不陟險緩步情始暢振衣西岡頭矯首一長望朝陽匿光彩宿霧猶
隱嶂山靈忽不靳連峰洶波浪何許芙蓉青龍池半天上銅官從中起磅
礴氣愈壯迴風過林莽艸木皆振蕩青錦十萬緇鉅車五千兩山人地志
熟指顧名所向窮歷吾豈能高情倚疎放平生煙霞志配此丘壑尚思欲
逃喧卑結茅計非曠緣知兵革後已恐淳朴喪蕭條採芝意臨流重惆悵

桃溪泛舟尋士玄

放舟千山裏嵐氣滿晴川歌辭理白雪水禽栖綠煙蒼蒼野陰變蕭蕭風
景妍尋僧轉回塘望雲遙天萬事寧有素一行忻偶然

官軍後還西澗祠堂

丈夫志四海立身自有餘安能事一室遂欲逃空虛嘉遯蓋貞吉聖人不
干愚況當艱難際行止豈欲迂若爲動干戈爰及此林閭風氣混六合理
難靜一隅奔走固不恤隣里誰安居所恤罔悔吝類爲時所驅出門已憂
勞入門復歡娛一欣朋徒合再喜景物殊綠竹涵秋色疎花耀前除開軒
坐林杪更取琴與書西山澹相對落日號驚鳥忍聞濮陽血艸木漬糝糊
殺戮不群盜哀矜爲無辜三嘆觀化初人生亦須臾

遊龍巖三洞之間

顏紫芝久不採淮南丹書竟安在仙人勸我三洞遊身如騎龍到東海
海氣茫茫雲霧迴白波捲雪連山來雙童手弄海底日紅光一道金蓮開
瑤艸綠可折瓊樹花冥冥昔人煉丹丹竈在錦苔繡石光清熒雷行半空
中逢逢擊天鼓玉女鸞笙時下來前頭四足神魚舞醉拂珊瑚鞭玉虎我

欲因之窮洞府聞訪八公五雲裡爲說蒼生受辛苦不然飛出西華顛太
續續仙之洞天安得周廻更二千直與龍巖之洞相鈎連蓮花峰上重携
手笑攬霞觴窺八埏

張公洞

儻忽鑿混沌茲事豈其餘不知幾何年云古仙人居嗟我至此爲之躊躇
洞天諸宮宵兮黑試命烈火燭空虛森森怪石相對立如口欲語手欲扶
前有紫翠房白雲闕丹書鷹揚燕舞化爲石芝田久矣不復鉏可憐仙人
常恍惚雖欲相從已超越崑崙闔風吁太高時亦幽潛到巖窟青泥爛爛
浮土潤綠髓涓涓映山骨吾聞仙人不食而長生何得有此鹽米之空名
豈伊往來真戲耳簸弄物化令人驚頗疑壺公壺樓閣中呼噪摩尼珠色
常青色千奇百怪誰所營須臾眼暗燭欲盡惟以拄杖相敲鏗松中謬謬
吁我出耳中微吟白玉笙竦身欲上不可登綆引魚貫相支撐歸來此景
若夢寐俛仰宇宙惟清明

過任昉釣臺

雪樹參差短寒山迢遞明深春釣臺沒殘照夕嵐輕萬化同斯盡孤名如

水清誰悲范僕射千載見交情

過西澗

放鶴白石上曳履青林間近竹門自掩採樵人未還艸生西澗雨雲歛南湖山遊咏以終日相依道者間

望頤山

曾着頤山屐穿雲古洞歸松浮仙嶠日花落女蘿衣翠壑晴蜺飲丹房玉燕飛煙塵此時路長望一歔歔

春日西澗獨立

澗房松竹靜煙霏逕裡蒼苔行迹稀相與尋君遂初賦江花欲落換春衣

擬古

迢迢遠別離相去幾萬里月照魯陽關風吹漢江水宵夢不可託路迷復中止登山還有屐涉水亦有舟我心如縣旌搖搖獨亾休常恐瑤華落春風不能留豈君弗識察故此長悠悠安得白鸚鵡銜書東海頭
翡翠栖蘭苔鴛鴦上錦機物固各有類寸心獨何依春色來幾日海燕忽雙飛迎風不須入塵滿青樓扉

經杜樊川水榭故基

落花風裏酒旗搖水榭無人春寂寥何許長亭七十五野鶯烟樹綠迢迢

放哥行贈宋君

仲溫

辛丑

今日非昨日今年非去年天地不同老日月豈停旋寸心迢迢顏色改只似秋蓬與夏蓮栢梁賦詩不早上長楸走馬未得前閭闔九重虎豹守我欲上訴無因緣荆山泣玉徒自苦夷門抱關誰復賢寶劒夫容拂秋月高歌對酒聲哽咽當時輕意千古事幽憤于今向誰雪蘭臺公子天下奇心膽豈足他人知荆卿不荅魯句踐項羽豈顧齊安期東吳市上花漠漠相逢意氣傾山嶽笑說秦關百二重舒卷風雲不盈握一生不識平陽奴况是霍家馮子都明珠白璧等糞壤玉環翠袖皆蟲蛆甘心廓落事屠釣矯如游龍不可拘宋公子爾彈琴我放歌白晝苦短夜何多黃金高臺幾千尺翳日浮雲柰若何

題畫

水闊天低欲盡頭柳花如雪暗歸舟平生解識滄洲趣何處飛來雙白鷗

對春雪一首

璫葉綴玄圖玉羽翔伊川翻霰九霄下星芳二月前
伍仞隔簾翠玲瓏入綺錢欲消不自駐已斷復成連
珠幃凝華潔花池舞影妍相思梁園暮曾賞雒城年

尚朴齋

言甘知有客味旨閑其多居恒屬念慮抱朴心靡他
淳風返元化至體適平和意勝惟自然道存諒不磨
營營彼澆俗機巧滋煩苛身偕百憂長奄忽其奈何

風雨一首用高季迪韻

貧富不相值衰榮固有時行哉徒自速止尼未爲遲
崎嶇千萬塗辛苦得要辭風雨群鷄鳴壞屋起晨炊
一日不解醉千古有遺悲如何屠釣人敢爲帝者師

贈葉秀才

日莫登高臺浮雲結遠陰樹木何蒙龍野雀噪繁林
驅車涉關塞歧路鬱且深借問子何之故鄉阻崎嶇
曷不暫栖息蓬蘽非所任悶悶不發威遲旣前臨
曉管促飛觴賜絃奮逸音仗劍從此別秋風滿懷襟
寡立步非

窮薄游志不沉策馬欲俱去我無當世心

送趙一陽真士歸雪上

渺渺晴湖白鷺飛青山迢遞夕嵐微閒操桂檝雲生腋欲採芙蓉露滿衣
紫翠房深丹竈暖松杉秋靜鶴巢稀明年去覓封君達應駕青牛說息機

次韻介之夢山中

松花金粉落春晴白鶴看棋如客行疎雨竹牕緣是夢隔林茶臼只聞聲
繁華久困心何得澹泊相遭思亦清不有鹿門高世志山中幾日道能成

送李用和之常熟知州至正二十年

落日孤城近海邊川流七道直如絃朱幡到邑歌來莫玉帳論兵思去年
楚水南廻多賈舶虞山北去少人煙從來惠化同甘雨還使殘民得灑然
惟寅徵君踏雨過林館爲畱終日因誦近賦絕句三首輒走筆奉

和

野花疎竹媚幽姿翡翠簾前雨散綠
秋來長掩竹間扉過客誰能識道機
晚風吹雨過林廬柿葉飄紅手自書
以愛陳琳詩句好玉盤春露捧金芝
廬山陳處士時來共葺薜蘿衣
蕭條江海意一尊相對憶鱸魚

讀故友徐幼文詩集有懷

欲與評詩恨久違
楚雲吳樹兩依微
讀闌北郭平生藁
秋晚空齋掩落暉

玉山艸堂

憶女艸堂何許在
辟疆園裡玉山階
方床石枿高情遠
細雨茶煙清晝遲
鴻雁來時曾會面
枇杷開後更題詩
山中容易年華暮
書史娛人總不知

顧仲瑛芝雲堂

芝雲主人絕蕭散
燕坐艸堂門不扃
古鼎圓簾香裊裊
新篁拂几玉亭亭
十年苦思耽書卷
三日清齋寫道經
邀我醉眠書盡舫
月明吹笛看雲汀

題宮人行樂圖

金宮游素女
玉笛弄清暉
月殿龍香度
風簾翠影飛
雲開移綵仗
花落卷春衣
莫買相如賦
長門事已非

馬建昌治

治字孝常義興人
初爲僧周履道避地義興與孝常游荆溪諸山極山水之勝作荆南倡和集鄭明德爲之序洪武初知內丘縣終建昌知府

畫溪

積雨洗崖嶂奔泉會空曲流爲千丈溪泓停深似玉霞吟發彩翠花艷分
紅綠浦雲自點綴岸峯相映燭旁穿震澤口直瀉顧山腹日暮扁舟來漁
歌出湖洑

張公洞

張公古仙伯不樂雲間游騎驟穴山腹洞天開清秋空青凝丹室積翠結
石樓王女跪而化銀漿冷不流芝田水精鹽華屋珊瑚鈎神界杳莫測鬼
工信難侔勢輕壺公壺量狹禹九州繞出具區底仰出崑崙丘煌然一束
縕吾欲窮其幽

任公釣臺

伊人不可見古臺臨野水惟應公事閑意釣還來此城門口色暮郡舍秋
風起鳥飛綠蕪上須啼碧山裏宦情方淡如野性或偶爾巉巉雲溪石其
下亦清泚

牧之水榭

牧之信奇士縱橫見當時著書亦有兵豈惟工賦詩画船張水嬉禪榻悲
雲絲廣陵罷走馬陽羨亦解龜芳樹竟寂寞清溪自淪漪斯人向千載陳

迹宛如茲

出西澗過龍巖途中瞻眺

山澤春明麗林樹鬱峭禱游步何從起涉澗行屢轉幽泉響層曲蔓艸綿
芳甸在岸心已遂經丘始回面巖崖驟誰飭風嶺遙目薦蒼梧凝陰吹彤
霞散晴電菴藹蒙籠間一水光練練沉沉澗洞古潛龍不復見觀顧委物
育解作疑神變臨深備戒慎登高欲瞑眩游目信虛無探已有常戀靈芝
事曖昧採薇庶游衍行已東郊歸祈年急視膳

登西崗望龍池諸峰贈周履道

遠遊虞風波託好常在邇朝來遇君出興與西岡起日薄川野陰徐行杳
然喜登身坡陀上瞻望入百里浮雲忽避眼十嶂來填委巉崑龍池頭宛
轉鵝山趾銅官大居正顧盼雄彼此夏綠紛以勞林巒粲成綺回頭指明
鏡近見泝練水一州信崢嶸東北纔演迤自多岩洞勝衡廬可肩比危危
松間石跪立馴虎兇前瞻忽長嘯幽響久乃已桃源果何以茲景清且美
窮探非予樂所樂有偶爾周子宜數來逍遙自今始

桃谿泛舟尋方崖士玄

身行沙岸曲，隱見遠人村。
初罷桃溪雨，寒山響翠繁。
薄雲凝遐思，微風吹古原。
登稼已云樂，欣欣田父言。
予心亦何事，訪舊試尋源。

官軍後還西澗艸堂

干戈一爲用，十室九不完。
東西南北人，壞屋敢求安。
昨聞府兵下，徒跣入荆管。
一市人盡虛，衡門駐旌竿。
還家動盈月，餅粟久已殫。
幸茲西澗艸堂，適平寬竹林。
最無恙，秀色雨始乾。
石梁不可援，更造醺風湍。
掃地山氣潤，開軒水聲寒。
畱榻依故處，援琴較初彈。
賓客稍稍來，畦蔬亦朝餐。
坐中談時事，廢食各永嘆。
西峯數里外，艸竊除豈難。
盛夏兵旣集，翔翔彼河干。
乃知荆揚交蹠血，原野丹頻年。
勞人馬未得，賊肺肝憧憧往來地。
供億困百端，我生固其時。
飄飄媿飛翰。

過任彥昇釣臺

寂寂山水郡，依依今古名。
斯人同化盡，繫纜舊臺傾。
汀樹煙中沒，寒禽沙際鳴。
無人坐垂釣，永念彼平生。

過西澗

虛舟信所往，行止若無端。
適此清秋日，惓然悲路難。
竹林夜來雨，

驚寒一幸朋儔接空山予少安

望顧山

斜日水南行蒼然雲景清遠山時在望仙洞故知名楓葉凝秋色藤花落
晚晴西陽亭不見惆悵翳榛荆

經杜樊川水榭故基

風煙淡淡水冥冥杜榭橋西傷我情閒倚溪樓望山色鷗鵝飛處晚鐘聲
春夜懷重居宇

寺中虛閣每曾登忽欲看花往未能夜色蕭條門半掩獨依寒燭憶高僧
五月廿日雨中飲南樓

共愛風泉淙玉澗故人雖雨亦能來琴牀昨暮移高閣茶竈經旬生綠苔
性懶邊韶唯有睡憂深王粲自多才酒酣競起思歸興世難飄零心欲摧
與華景彰遊惠山

華陂春水綠漪漪二月西山雪後時舊宅重尋孝子傳新年又赴故人期
鶴鳴竹日當牕澹僧定茶煙出閣遲我欲同修清淨業泉頭來記四賢祠
追和柯丹丘所藏坡翁詩帖五首

洪武辛酉九月

東閣小詩書夢破後堂殘醉燭花明春風客散茶香在寂寞人間萬古情
紅入兩顰春意滿翠籠雙袖曉寒尖雖知別後情難識也覺愁中醉易添
彩筆詩成舉座驚素衣新剪鳳毛翎多情應是蓮花女畱得銀箏金字經
透海丹砂一粒紅前身宜與後身同就中只換神仙骨塵業何由到素風
滄海桑田復幾塵東風惟見落花春須知剩水殘山後冰雪肌膚別有人

又通和虞奎章韻四首

蜀人文采相先後多在西湖載酒船腸斷至今湖上柳空殘眉翠鎖連娟
三百年來此兩翁詩人情性道人風醉中還似毗耶老花雨紛紛一笑中
梅花香冷返冰寬往事茫茫迹未論寶劍已隨龍化去誰憐水上刻舟痕
賦罷仙人萼綠華金聲玉色衆中誇歸來世上空塵土雲白江清月滿沙

張布衣田

田字芸已其先淩儀人宋南渡徙吳父雲字子昭博學無所不通尤精于
律呂憫宋之亡著繼潛錄若干卷芸已讀書苦學能紹父志哀輯其遺書
謁鄭明德誌其墓

題陳惟允荆溪圖

八家綠樹繞孤城溪上風波落日明三害祠存人已去只今豺虎却縱橫

列朝詩集

甲集前編第八

黃鶴山人王蒙

首

孫泰山有引

余過奉高謁嶽祠見郝伯常山三詩刻于廡下明日登日觀峰下瞰滄海
歷世蒼洋青徐在衽席間耳因成此詩以補郝公之所未道者云

飛仙扶我游天門足躡萬壑雲霄外凌虛直上數千尺適見混沌今乾坤
鉅鑿左折逶萊股鯨波東注搏桑根地高俯瞰滄海日天近仰叩清都闕
古帝何年闢下上九點青烟散寰宇翠菸孔蓋此登封盛德神功照今古
人間瞬息三萬年七十二君何泯然秦皇漢武踵遺蹟玉坎瘞山之巔
金宮翠陸苦不樂遣使碧海求神仙羲和龍轡不稍貸豈料海水成桑田
試問封中一回首六合埃莽空雲烟千秋誰識當時事五松大夫知此意
巖前長揖大夫松數千胡適干秦封高標直下魯連節避世不及商山翁
半尋雪幹如屈鐵澗聲瑟瑟陰悲風松本無心偶然耳人情好惡多彌縫
欲傾箕穎一瓢水為汝淨洗羞慚容為君解嘲君勿怒萬事轉有成虛空

列朝詩集

補詩

前八

帝子絳節朝丹穹神靈婀娜群仙從噓呵紫微開芙蓉光景上屬超鴻濛
玉女夜降騎青龍驚飄鳳笙聲噫噫霓裳舞袖飄長虹變音聞作鳴絲桐
白雲清謠曲未終冷風命駕歸崆峒千峰萬峰浸明月恍惚身在瑤池宮
明朝稽首下山去翠嶂突兀青霞中

天竺日章法師得旨還山問泉石開齋閣贈行并題此詩

冲懷潛如水萬境猶虛空忽聞還山詔喜入我顏紅山中何所有手種石
上松茅屋閑無人恒有雲氣封清鑑照佛龕爐烟晨松風疎簾噴飛泉起
壑如撞鐘群響自起滅開心本無窮塵銷諸念寂夢覺非有眾九旬談一
妙政爾開首聳執持去來影觀作真實同去隨流水遠歸與雲相從無心
任玄化泊然齊始終秋風動江漢波浪背朝宗雲帆掛海月浩渺五湖東

列朝詩集

甲集前編第八
補人

王都司珍

吟字季野福清人參政王憲中之子與其弟畦字季耕流寓吳中與陳叔方鄭明德並以文行者於時

早春詠二首

東風生庭隅拂拂朝衣浪仁及紅綻柯德布綠回望芳情達金閨誦聲遞
得恍池塘溢波瀾亦係欣願湧
隔籬先春雀風暖喧晴簷
人鮮得食闕潛無停瞻不趨太倉中小腹恣
屬朕高秋寒露下大水須深潛

自遣

江湖肆蛟鯨溝瀆難容身人情不干日世事有兩心朝暮有顯晦日月常
升沉天道我欲問其理幽且深

放慵

愁到心常結事過心自涼幽憂漫成疾備放且何妨
龍鶴難出牀龜

總藏浮生付天地
溘慮博山香

晚思

薰風向晚急吹動
一身愁意合情終
美心離事只休鳥
銜殘日度雲遙林
天流今古無窮恨
令人早白頭

列朝詩集

甲集前編卷第八之下

玉山草堂殘別寄贈詩

柯九思 二首

黃公望 四首

熊夢祥 一首

顧瑛 三十二首

張天英 二首

劉西村 一首

張簡 一首

俞明德 一首

瞿榮智 二首

盧昭 一首

陳聚 二首

張師賢 一首

張翥 一首

倪瓚 一首

楊維禎 六首

于立 五首

張田 一首

鄒韶 十一首

沈明遠 三首

周砥 八首

殷奎 一首

金異 一首

陳基 五首

顧敬 二首

郭興四首

秦約二首

陸仁四首

王翼一首

衛仁近一首

呂恒一首

吳克恭一首

文賢二首

蘇鏞二首

張渥五首

李廷臣一首

袁華二首

琦元璞三首

送鄭同夫歸豫章分題詩

陳基序曰同夫豫章人嘗登清江范公蜀郡處公豐城揭公之門而余故人危君太朴揭君伯坊楊君季子鄒君魯望張君宜仲皆其友也余與同夫遇於吳之隱君子傾仲瑛所行且歸矣余與仲瑛賓客以吳中山水分題為同夫贈余序為之序至正十一年八月五日也

張田字景已吳人見前編

分題滄浪池

滄浪池上水無日不東流披竹尋幽徑携壺趁小舟雜花分兩岸叢樹掩

雙丘旭日金波亂微風碧霧收登臨增慷慨笑語漫夷猶野老閒相遇漁
人自對樵芙蓉晴綠落菡萏晚香浮樂事連長句忘機狎衆鷗時逢采芹
士爲說故園秋翠影侵棋局晴光漾酒甌醉深偏繾綣義合愈綢繆席故
儒官冷堂升弟子優年華欺短髮霜落暗征裘西鵝行將去驪駒唱未休
柳疎繁馬首帆飽出江頭別思隨烟浪懸懷倚柁樓山昏雲盡宿林暮鳥
相投今夜中吳月分光照薄愁

劉西村

分題楓橋

涼風起蘋末送子過楓橋落日聞征雁空江生暮潮星沈吳渚關雲入楚
山遙歸去秋堪把芙蓉葉未凋

鄭韶

字九成吳興人見甲集

分題虎丘

青山閭閻墓荒草起秋風古隧蒼精化陰房玉雁空夕陽明野寺遠清落
霜楓送子難爲別無情楚水東

張簡

字仲簡吳人見前編

分題姑蘇臺

崇臺去千載風口麗飛荒漠漠春洲草寧知歌舞輕香泥汗鹿迹嬋娟若
爲情登覽猶悵快況乃送君行

沈明遠

字自遠吳興人一云沈性字自誠

分題龍門

峭拔終同禹鑿存折盤雙磴竦雲根青天鳥沒仙人掌黑骨龍蹲箭栝門
寒落雲泉搖暝影晴開石鏡見秋痕詩成待刻嶙峋上蓮子重來與細論

俞明德

字在明錢塘人

分題館娃宮

吳王歌舞地千載一登臨猶有頽基在空餘秋草深香銷珠珮化土饌玉
釵沈楚客今朝別仍多感慨心

周砥

字履道吳人見前編

分題百花洲

洲上百花明春流日夜生祇看維客棹無復渡霓旌落日山如畫東風鳥
自鳴蕭條千古意離別暗傷情

分題送周仕宜南臺典史

顧瑛本名德輝字仲瑛崑山人見前編

分得芙蓉堂

芙蓉並開開滿堂堂中美人頰玉觴西船鼓吹弄白日迴風驚起雙鷺鷥
驚鷺雙飛出城去池上花開知幾度不聞嬌燕語雕梁惟有棲鳥啼碧樹
空城夜夜明月光照見烏臺臺上霜翠幙芙蓉大如斗盈盈綠水明新粧
鍾山蜿蜒若龍走送子春江一壺酒他時戴花歸故鄉莫忘江頭折楊柳

瞿榮智

字希夫嘉定人見甲集

賦得姑蘇臺

高臺窈窕插天起勢壓雄城三百里雲霄閣迷絳烟日日吳王醉西子
桂香閣爐燒春雲錦絲瑤管空中聞甲兵重來破歌舞槃齒修眉散如雨
雙鈎帶血不放飛城荒草碧春風吹紙今惟有亭前月曾照吳宮花發時
慷慨悲歌歎陳迹霜鳥怨啼霜葉赤明朝送客過鍾陵西望茫茫五湖白

殷奎

字季章崑山人見甲集

賦季子祠

讓王開國江之左尚父周王十三世僭王一變變于夷至德撫龍誰復繼
有美季子才且賢歷聘上國何翩翩東遊縱觀太師樂王風帝德皆能言
周旋齊魯說諸子無媿古人相警意貯衣酬獻著交情佩劍終難見高竝
使車焯焯尚未還魚中之刀機已先去之寧附子臧節不忍父子兄弟戕
其天世人豈言何足數類云辭國兆亡土不知自古皆有亡曾有遺風振
千古春秋大義昭口星特筆表墓幽光明故國遺祠神戾止吳民世世
樂盛周之孫子烏臺彥烈日秋霜映顏面閭閻城邊春水波蕩流蘭舟過
淮甸高臺鳳舞大江東孰作烏臺氣勢雄明年臺前霜葉紅掃陪瞻
吳風觀吳風歌至德季子祠前照秋色

盧昭字伯舉崑山人見甲集

賦采香逕

遙憐采香逕還憶種香時綠水紫蘭棹青娥駐綠旗盈盈春滿把冉冉碧
合滋持贈鍾陵去芬芳慰所思

金翼字敬德赤城人

賦響鑠廊

深宮風日靜鳴鴈憶當時花襯珠娘步春隨綵仗移錦見雲窈窕香佩玉
歲鞋我正慚趨步臺郎赴遠期

柯九思字敬仲天台人元史有傳

姚妻東往玉山因書以寄

相逢何事且徘徊澤國桃花岸岸開見說衡陽南去路秋深無雁寄書來

索陽庄瓜寄玉山

殺雨初乾可自由荷鋤原上倦還休醉迷芳草生春夢誰識東陵是故侯
于立字彥成南康之匡廬人學道會稽山中得石室藏書放浪江湖

圖與仲瑛友善於玉山草堂有行窩焉

觀玉山中牡丹有感

搖搖紅霧一枝斜看舞東風兩髻娃堪笑年年未婦客借人池館賞春花

白鶴觀寫寄

我住城中五十日念子終日不相忘驛回隴前梅未發雁過沙頭書幾行
日間雞黍酒正熟霜後園林橘半黃後日東歸同一醉酣歌不減少年狂
張天英字楠渠溫州人徵為國子助教再調皆不就遊西湖多羣英

夏日寄玉山

赤日行天氣欲焚樹根群蟻正紛紛道人心在義皇上睡殺青松一枕雲

武陵春曉曲

武陵春曉花冥冥漁歌聞棹搖殘星溪涵山氣綠如酒曲禽啼破松烟青
天上時聞鳳凰曲金門飛夢入初醒長嘯銀臺月將落空翠著衣香露薄
忽見安期蓬海東劍佩從風降玄鶴陽烏銜火懸扶桑袖卷紅雲朝帝旁
手攬龍車觀天光下視蜺國空千霜

黃公望

字子久常熟人時年八十三

次所和竹所詩奉東

四首

片玉山前人最良文章體物寫謀長古來望族推吳郡直到雲仍姓字香
花檻香來風入座雕籠影轉月穿櫺鉤軒平野連天碧排闥遙山隔水青
竹裏行厨常准備濁醪不用惱比隣文章尊俎朝朝醉花果園林處處春
人生無奈老來何日薄庵磁已不多大抵華年當樂事好懷開處莫空過

楊維禎

見甲集前編

奉謝賦屋

玉山長者有高義，乞與山人僦屋金。駟馬一時皆上客，青娥三日有遺音。
西山湧海當秋後，南斗流江入夜深。更報大茆張外史，興來須抱小雷緊。

懷玉山一首書珠簾氏便面

五月江聲入閩寒，故人西望倚闌干。珠簾新捲西山雨，第一峰前獨自看。

玉山以詩見招用韻奉答

君泛脂江我泛婁，沙棠小槳木蘭舟。吹錢笛，珠簾氏端為風流。刺史留
滄樓詩，招簫史，鳳蓮艇，或踏采高魚卷。盡芙蓉秋萬頃，瀛洲信有玉人居。

熊覺祥

字自得，江西人。以茂才舉教官，棄去，以詩酒放浪淮浙間。

客懷舉東玉山

我昔離家七月強，只今十月隕清霜。可慙濁酒黃花興，應悔青燈白髮長。
翠裏天寒脩竹暗，綺牕日暖唾茸香。夜長枕上揚州夢，江北江南是故鄉。

玉山戲荅

秋水藍橋一尺強，愁聞玉杵搗玄霜。東籬老子烏紗薄，西郭佳人翠袖長。
古寺竹深禪榻靜，晴窓花落硯池香。西風鶴背三更夢，笑看瑤花作醉鄉。

倪瓚字元鎮無錫人見前編

八月廿三日芙蓉花下留南宮岳山人飲明日岳山人過玉山南宮老矣不知復與聚首觀花聽琴情不能堪因賦長句并東玉山人芙蓉著花已爛熳濁酒彈琴聊少停數聲別鵲隔江渚一醉秋天空玉瓶況當賓客欲行邁忍使風雨卽飄零攀條擬英重惆悵但願花開長不隕

陳基字敬初天台人見前編

寄玉山人兼東匡廬外史

笑人不見已三月日日相思賦角弓興發頗疑詩有助憂來翻訝酒無力未煩結客游樊上却擬移家住滾東與報匡廬于外史新醅宜壓荔枝紅

笠澤有懷

碧梧翠竹鬱參差艾納流蕪綉幕垂瓊管隔花閒度曲画屏燒燭看圍棋坐延太乙青藜杖倒著山公白接離何日綵舟還萍葉爲判同飲習家池

別後聞入杭賦寄

柳洲寺下綠竹繁蘇小墓邊風日暄天開十里水如鏡南過六橋花欲言画船夜聽孤山鶴鐵笛曉驚西竺猿歸來相運桃源上爲唱竹枝傾綠尊

有懷梧竹主人山陰道士雲臺外史兼東龍門閣士

碧梧翠竹日扶疎長夏高堂可宴居
書上故人時載酒山陰道士近無書
蒼頭拂石安碁局釋子穿花奉版輿
若見惠休煩問訊碧雲詩句定何如

張師賢字希顏崑山人

次郭義仲韻東玉山人

故人一隔紅雲島相見銀屏七夕前
花近小山當鵲廣溪深嘉樹覆青船
參差清吹流銀漢簪餐文藝散玉煙
更擬此君亭子上醉飲紗帽會群賢

顧敏字思恭吳人見前編

寄芝雲亭主人

雲腰幽亭長紫芝昔年曾許鴈來期
短筇空倚清江上滿目春愁兩鬢絲

次廉夫韻寄玉山

玉山幽深草堂好翠竹森森映白沙
栗里歸來陶令宅桃花開處杜陵家
風來桼樹留歌鳥雨入溪流送落花
我欲問津從此去天涯何處有星槎

鄭韶

聞夜來醉過春夢樓贈小芙蓉樂府恨不得從遊戲成廿八字以

寄

金鵲香銷月上遲
玉人扶醉寫新詞
勝遊不記歸來夜
春夢樓前倚馬時

秋夜獨坐有懷玉山徵君

庭樹葉初落
鵲飛驚早秋
玉繩猶未轉
星漢忽同流
楊柳離亭思
芙蓉別浦愁
美人隔烟渚
滄海信悠悠

次玉山分題韻二首

頻年種豆繞幽居
深巷蕭條意自如
日宴炊烟分井臼
春前草色上階除
清時自分耽詩癖
白日首嫌生事疎
祗憶桃源種桃者
秋江多致鯉魚書
玉山樹色倚青冥
灑閣風微酒易醒
移席絕憐江柳碧
釣簾更愛竹書青
白雪盡日春團圓
葢靈石何年夜隕星
却笑虎頭癡絕甚
盡將詩句寫秋屏

律詩二首奉寄玉山

仙人愛向桃源住
曲曲雲林勝輞川
秋水到門船似屋
青山當檻樹如煙
常時待月溪邊立
最愛梳頭竹裏眠
我有好懷清夢遠
題詩還到剡堂前
徵君一月不出屋
客來喜值清秋時
會稽錄事應當別
笠澤高僧定賦詩
新月忽從溪上出
清尊還向竹間移
殷勤持寄于高士
切莫愁吟兩鬢絲

虞山道中有懷

言假宅前湖水東千門楊柳綠搖風一蓬山色斜陽外半夜雨聲春夢中
獨客年年如旅雁行人艸艸似驚鴻芳洲杜若憑誰采心逐寒潮處處同

郭翼字義仲崑山人見甲集

過綽墩舟中奉寄

綽墩樹色青如靄蕩裏張帆曉鏡開鳥目峯高雲北下沙湖波闊水西來
菰葦打雨鳴還止瀾鵲迎船舞却迴好入桃源張渚面祇慚楊馬是仙才

春日有懷

客裏看春愁不禁月頭月尾雨陰陰海棠結果花陰匝楊柳滿門紅淺深
竟日笙囊寒未解臨池盤餞晚纔斟諸郎怕有乘舟興怕殺喧喧雀報音

南湖有懷

五山之詩尚清省艸堂細帙連星光兒郎箇箇荀文若賓客人人馬季良
月裏吹簫眠複閣花間移艇過漁莊酒酣側近江頭別獨坐南湖意不忘

懷典一首

前月海寇入郡郭病裏移家愁殺人桃花野屋苦多雨楊柳清江無好春

誰似龍公居龍政白慚杜老在風塵
神堂夢寐驚相見把酒論詩月色新

沈明遠

沒其用郭義仲韻

近知消息苦難真一日千迴憶故人
極目風煙迷黑海驚心花鳥惜青春
清談玉行休揮塵多事元規已污塵
重上高堂見君面碧梧翠竹喜清
琴約字文仲崇明人見甲集

婁上紀典奉東

放船曉發婁之濱
嫋嫋單音何處聞
已王廟下樹如戟
黃姑堂前花似錦
河流虹影向江去
日落王氣隔林分
憑高登遠應有思
自數秋風鴻雁心

修城口號

春城連海亘虹霓
雉堞桓桓補甕泥
總謂軍儲仰吳下
只憐遊獵起淮西
千旗影逐流雲遠
萬杵聲高落日低
安得韓彭爲上將
載光大業撫黔黎

陸仁字良貴崑山人見甲集

東玉山徵君兼五老貞士

玉子岡頭雪未消
玉山池館鬱蒼蒼
美人詞賦宗枚乘
仙客風流似子喬

竹裏行厨通一徑柳邊飛閣度雙橋
澗沅芷思無那心與車旌日在搖
奉懷玉山

馬鞍山色兩峯尖時送飛雲落
畫檐金鵲焚蘭煙娜娜銀鵲舞隊月纖纖
語調鸚鵡花連屋影拂鴉鵲水動簾絲想清遊共于鵲定多賦詠照牙籤
漫興一首奉呈玉山

萱草葵花五月繁清遊頻過碎疆園
艱危避賊愁仍絕感激逢君思欲餐
信有譏人如巷伯豈無佳士報平原
坐深池閑偏幽寂更浣寒泉爲滌煩
王巽

正月八日詣草堂不遇舟中錄記

鼓枻溪頭動曉行衣裳潤浥露華清
東風移帆浪花起幽鳥避人霜羽輕
片玉峯寒松倚秀草堂春早柳含情
山人領鵲之何處惆悵歸來雨滿城
衛仁近字叔剛華亭人從楊欽崖游常以才子稱之

承遺竹枝輒賦近體以寄

草堂只在玉山西未識風流傾憶之
爲令綉衾春病酒蠟銷銀燭夜敲棋
每懷鳳鳥栖梧樹輒倚烏几唱竹枝
昨夜闌干明月上惱人簫管不勝吹

昌黎先生集卷之八

東王山人

玉山佳處玉人居聞道方壺一事無萬个琅玕巢翡翠千年琪樹倍珊瑚
瑤臺酒醉金莖露珠閣香燒鶴尾爐何日來看金粟景月明花影倚人扶
盟榮智

和義仲晞顏

莫怪清狂似謫仙乘涼遠過玉山前劍簫夜迥黃姑渚翠被風生越鄂船
雲樹亭臺全却暑蓉花簾幙半浮煙賦詩刻燭良宵飲知是衣冠不乏賢
吳克恭 字寅夫見陵人詩格古淡多游雲林及玉山間

元璞過江郊言歸賦七言一首通問

玉山長夏草堂幽老愛從君十日留醉語歡呼亂不記歸來爛熳憶相求
風迴柳搖歌扇月山荷花映綠舟可念江湖搔白首還將衰朽問湯休
文質 字學古南東人居善江詩好爲長古作

和韻奉寄二首

我愛虎頭公子賢高懷歷歷瀉長川酒尊花底分秋露茶罷竹間生白煙

日落漁莊聽雨坐，屋微草閣看雲眠。西涼進士曾留別，應說相逢十日前。
玉山之堂風日好，高居共喜值清時。紫簫度曲頻行酒，綵扇分題卽賦詩。
溪樹積陰疑雨過，水花流影若雲移。白頭有約漁莊上，我亦山來理釣絲。
聶鏞字茂宣，蒙古氏幼警悟，從南州儒生問學，通經術，善歌詩，尤工
小篆，章其音節，慕陸天錫以官詞稱于時。

前題

美人昔別蓮經年，纔見髮江夕月圓。怪底清塵成此別，每懷詩句向誰傳。
恍溪日暝垂絲坐，草閣秋深聽雨眠。安得百壺春醖，休尋君還上木蘭船。
虎頭公子最風流，只看仙人紫綺裘。築室愛臨溪側，叫鉤簾坐見水西頭。
當時把筆題江竹，最憶看山立釣舟。愛有高才于逸士，清談不厭與君留。
張渥字叔厚，淮南人，明經，善屬文，能用李龍眠法，爲白描，前無古人。

欲過草堂未果奉寄

片玉山中結草堂，門前流水伴滄浪。竹陰覆几琴書淨，花氣薰窗筆硯香。
四海詩名唐李杜，一時文彩漢班楊。近聞高士增新傳，好紀淮南老更狂。
琦元璞吳人見問集

七月十五夜醉卧三賢閣夢玉山隱君會稽外史與迂生來山中
鵬詠松石間樂甚于似太白寫長句一章及寤山月在牀林聲蕭
瑟惘然若有所失因足成夢中語以記神交云耳

龍門與天通鳥道當絕壁青天挂石鏡倒影太湖碧飛亭懸清湍幽谷時
遊觀千崖古雪積六月松風寒仙人揮玉塵扣門避秋暑不意麋鹿群忽
識鸞鳳侶脫巾長松陰展席風滿林青苔委玉珮白石鳴素琴淒清草樹
色照映瑤瑤質山靈獻神異鹿女將花入斑棘促詩成玉手飛金甌岩花
與珊瑚鮮新才情會稽足風流支遁非謠浪因逢許詢輩氣宇稍跌宕
浮生百年期綠髮易成絲生當聖明世不樂復奚爲古人皆黃土底心
欲折何如杯中物醉倒石上月月出山霧開天香下空來酒罷上馬去水
東清瘦衰

正月四日夜宿溪上有懷

白日西沒江東注客子舟航暮城住自緣舊好數經過頗爲微名早馳驚
風前墊碓響初夜雨外漁燈映深樹美人不歸煙水寒耿耿何由寫心素
夏五月過玉山見婁江諸故人漫興之作

梅風發時海寇去相見要令懷抱問乍喜豈論生理事空言何歎濟時才
桐花金井鶯聲過月色涼臺風吹迴不聞清吟會諸老履痕猶在竹間苔
李廷臣 字仲虞寧海人幼從丁仲容游有聲江湖間

奉同鉄崖賦寄玉山

玉山溪路接仙源漁郎繫舟老樹根望海樓臺浮遠市開門湖水落清潭
珠光弄月寒丹室石氣酣雲煖藥園聞說鉄仙曾此宿吹笛清夜洞庭翻
陳聚 字敬德天台人

玉山中卽景

楊柳絲絲一徑斜碧溪循繞野人家東風二月春如海開遍一山桃花
戴蘭草堂主人

嘉禾滿目六月涼上有凌霄百尺長秋風莫剪青青葉留取清陰覆草堂
玉山紀遊 汝易袁華十英編

傾天

遊天池

縈紆白雲路窈窕青山聯秋風吹客衣逸興良翩翩捫蘿度絕壁躡蹻窮

曾讀崖傾石欲落，樹斷雲復連。兩峰巖牙門中谷，何處無大山。屹堂堂直欲摩青天，小山亦磊落。飛來斷其前，陰陰積古鐵。繁榮同青蓮，神斧削翠骨。天沼涵電泉，玉龍抱寒鏡。倒影清秋縣，憶昔張貞居。寄我琳琅篇，逝者不可作。新詩徒爲傳，舉酒酬白日。萬生凌烟幽，歎苦未足落。景忽已遷，美人胡不來。山水空清妍。

予立

寄嚴卿

山中老禪寂，同坐說吳王。時有風前葉，鏗然下屣廊。

領瑛

和

日日深宮醉不醒，美人嬌步踏花行。錫鑊賜與忠臣後，紫落君王夢亦驚。

西湖口占三首

湖山堂上看荷花，亂舞紅粧萬萼。細雨霑衣涼似水，西船五月客思家。右觀荷值雨

薄薄紅綃映雪膚，玉纖時把髻鬟梳。風流得似貞期子，溪箇芭蕉画作圖。

右題板厚西素雲小像

十九年娘著絳紗金杯玉手載春霞清歌未了船頭去笑買新粧茉莉花
右戲題杜姬

袁華字子英崑山人見甲集

次韻二首

乳燕初飛藕作花秋娘二八髻雙丫臂綳紅雲珍珠絡疑是錢塘舊內家
細雨微風透碧紗酒痕橫面上朝霞君行不唱陽關曲
永渥

次韻四首

清曉殘舟及燈暗水花明媚照娉婷銀箏玉柱纖纖手的得新聲醉裡憶
水光承雨亂銀花柳外雙峰出碧丫我使欲尋襄笠去斷橋灣裡是漁家
淺絳紅紗白玉膚雲雙顰映犀梳尊前自有丹青手描取佳儂入畫圖
舞衫歌袖奏紅紗一朶春雲帶晚霞盡日無人見纖手小屏斜倚笑簪花
領瑛

泊垂虹橋口占二首

一月青樓月向人

二

三江之水太湖東
波浪輕舟疾若風
白鳥群飛烟樹末
青山都在雪花中
江風吹颿候數里
野花笑人應獨行
更須對雪開金觥
要聽隣船獨玉事
卽詔

次韻二首

洞庭之西湖水東客
行三日上江風行行塞雁青天外
个个輕鷗白浪中
鷗鷺鴻鵠總多情
蕩漾春江取次行
日日沙頭候歸雁
爲郎擲得小秦筝
傾瑛

松齊門

東方燄星如月明
舟人換舵聽鷓鴣
白憐不合輕爲客
莫厭秋風撓柁聲

泊閭門

楓葉蘆花暗画船
銀箏斷絕十三絃
西風只在寒山寺
長送鐘聲撓客眠

發閭門

閭門西去是陽關
疊疊秋風疊疊山
便是早春相別處
如今楊柳不堪攀
今春送子外史婦趙上

周砥

次韻發齊門

西風洲上荻花明
秋水船頭落雁鳴
誰抱琵琶涼月裏
爲君彈作斷腸聲

于立

次韻泊閭門

淥水秋風蕩槳船
白蘋洲上月初弦
清光半入紅窗裡
照見羈人夜不眠

顧瑛

晚泊新安有懷九成

夜泊新安驛西風
八月天人家溪樹
裏晚飯柁樓前
水落星移石雲間
月暗船遙思佩韋
者癡坐不成眠

于立

次韻

過雨收殘暑西來
水似天秋風生柁
尾明月落尊前慘
澹依山寺欹斜下
瀨船清歌不成調
思雨枕書眠

鄭紹

次韻

大休夕露下一堆
過秋天月照風燈
外星沉夜水前
美人隔煙渚清夢落
江船孤坐聞城漏
迢迢夜不眠

沈明遠

次韻

溪行仍水宿
夜坐散秋天
月出青楓裏
鳥啼古驛前
聞關懷枉路
浮沒問
隣船想憶同心
行裁詩不待眠

顧瑛

舟中作

自愛玉山書
畫船西風百丈
大江牽出門已
是三十日到
家恰過重九
天
青山白水與
君賞翠竹碧梧
惟我憐近園
海上鯨波淨
爛醉草堂松
菊前
于立

次韻

落日清江好
放船西風滿
棹未須牽
鯨鯢已靜波
澄海鴻雁初
來水接天
過眼風光如
隔夢近人風
月也堪憐
歸來尚有黃
花在簪醉佳
人錦瑟前

周砥

觀音巖

白鷗鷖小穿雲幕層海波澄浸石扉一片岩前秋月影涼風吹上藕絲衣

石湖

湖中白鷗獨飛還相伴孤雲盡日閑落日放船湖水上簾秋色看青山

新郭

此舟適下溪水旁溪邊暮色何蒼蒼主人飛筵揮羽觴吳姬唱歌聲抑揚
帶星搖空大魚出船頭洗眼秋波涼夜如何其夜未央萬籟不起星煌煌
清閑宮過別船去木葉蕭蕭下如雨船中醉臥忘西東睡覺猶聞夢中語
此時月落天將曙隔屋雞啼欲起舞西風滿天鴻雁聲瑟瑟滿簾秋色清

陳基

新郭

倚舟夜泊新郭市石湖水深清且泚長嘯一聲天地秋萬壑驚風泣山鬼
田盧生玉山子意氣相傾華終始呼童沽酒烹錦鯉醉入蘆花月如水周
郎愛歌踏船尾我亦和之聲應應明月照我心秋水洗我耳富貴亦何爲
人生行樂亦城中黃塵眼爲眯安得置我丘壑裏

傾瑛

次周敏道韻

夜泊石湖湖水傍芙蓉露白葉微蒼
画舫酒行飛急觴美人羅袖隨風揚
長檠翠幙高高張浩歌起坐秋夜涼
明月已在天中央大星小星光泚泚
酒醒不記過舡去但聽秋聲響疎雨夢中化作蝴蝶飛飛入花間聽鶯語
曉鐘嗒嗒東方曙船尾浪花風起舞爲君起和夢中詩水氣如烟度秋清

舟中聯句

行春橋下看山回
翠幙紅簾面而開
基一夜水風吹不斷
立蜻蜓飛入西船來
瑛

次龍門琦公見寄韻二首

扁舟遠適越溪濱
雙槳驚飛白鷺群
要趁秋江三尺水
去看山寺九峯雲
西風桐罟沿村集
落日鐘聲隔水聞
好對黃花同一醉
故園晴色晚如熏
秋花楓葉暗江清
萬里西風雁叫群
說是羈情濃似酒
獨憐世事薄于雲
九龍山色船頭看
半夜鐘聲枕上聞
料得高僧禪定處
松窗柏子起清薰
三月廿日陳浩然招遊觀音山宴張氏樓徐楚蘭佐酒以琵琶度

曲郊雲臺爲之心醉口占蝶戀花一闕

春江暖漲桃花水。西舫珠簾載酒東風裏。四面青山青似洗。白雲不斷山中起。過眼韶華渾有幾。玉手佳人咲把琵琶理。任殺雲臺標外史。斷腸只合江州死。

九月七日復遊寒泉登南峯有懷龍門雲臺二首

春遊憶得到寒泉。正值鶯花過禁烟。楊柳樓中金錯落。正堪乘玉嬋娟。油郎別去渾多病。道士重來是有緣。今日登高能作賦。雲臺不見使人憐。又向江頭載父譚。好懷每與世相違。客中重九明朝見。眼底故人今日稀。過雨黃花千蕚發。經霜紫蟹兩螯肥。秋江更待澄如練。好作詩中流轉緩歸。

陸仁

次韻二首

支硎山中濯寒泉。洗馬池頭草若烟。石拔兩開開岬嶂。雲迷萬竹秀嵒娟。下方鐘鼓長時發。絕頂藤蘿且自緣。東去三江流不盡。浮生如此也須憐。飛龍開口日暉暉。放鶴亭前路不迷。說說支郎林下少。未緣神駿眼中稀。繁霜著樹榴房折。危石懸藤瓠子肥。看遍吳中好山色。太湖明月棹船歸。

周砥

次韻二首

美人閒宴酒如泉
滿目風光碧似烟
半嶺蒼雲猶掩冉
一林秋竹自娟娟
新詩每荷邀同賦
短棹相將恨未緣
會面幾時還別去
百年人事總堪憐
秋波漠漠靜朝暉
画舫閒筵興不違
濁酒清歌香縹緲
青山黃葉路依依
夜涼金雁箏聲細
雪滑銀盤鱸膾肥
顧我慙爲塵俗累
不能同載月船歸

玉山名勝集詩

太湖西南下遶陽山
海虞山麓東流漚
爲陽城湖湖之上有大林
豐碑秀融結者是爲界溪
傾仲瑛家界溪之上爲園池
別墅治屋廡其堂名其前之軒曰鈞月
室曰芝雲東有齋曰可詩
西有舍曰讀書後有堂曰
山而亭其前曰種玉山之上曰蓬萊山
偏之樓曰小遊僊後有堂曰梧翠
竹樓曰湖光山色之樓過浣花溪曰
玉山草堂以茅茨陋瓦櫺櫺比數百楹
繚四簷編植梅竹及珍異之石仲瑛讀書之所也又其東爲漁庄柳塘春傍池之軒曰金粟影
又有書畫舫以載書西春暉樓以奉母亭曰秋華
渚香君子絳雪綠波池曰春草齋曰臨雪軒曰來

龜見於題詠者凡二十四合而名之曰玉山佳處仲瑛遂襄集一時高
人勝流分題宴集之作名之曰草堂名勝集又第其僕僉所藏都爲一
集曰草堂雅集又有玉山草堂後別寄贈詩及玉山紀游詩則汝易袁
華所編也名勝之集久已流傳人間草堂雅集得之于文起閣學蓋微
仲太史舊本也今年新安汪權奇用錢數十文易玉山諸集于買樵家
余取閱之則寄贈紀游二編實吳下所未覩者余以此深歎昔人之遺
文故跡放失良多而風流儒雅不應使其泯滅也附并錄而存之俾後
之好事君子得有考焉

張翥一首

虞集一首

何文思一首

鄭元祐二首

楊維禎五首

于立一十五首

陳基一首

張天英三首

周砥二首

熊夢祥一首

黃鏞一首

黃珩一首

岳榆二首

龍門琦六首

擇白族一首

顧德輝一首

顧智一首

顧衡一首

姚文真一首

袁華九首

陸仁二首

秦約一首

郭翼二首

盧熊一首

羅智一首

盧昭二首

顧達三首

張遜一首

李璣二首

文賢一首

袁昌二首

袁舉一首

起珍二首

聯句二首

寄題玉山詩一首

晉寧張鶴仲舉

治理逢熙運欽明仰聖皇至仁俾覆載上德配軒唐大業勦弘濟元臣協
賢襄賢科收俊造庭實樂瑤璋入貢休符拔儀部下鳳凰普天均雨露絕
壤梯梯航每念京師食遺需濟府稂神祀所託遠颺母敢飛揚前隊繞餘

發先驅個象藏冷鼓萬植朱火燈連情帝敕申嘉惠祠官按典常實勞
龍湛歲時賜臣臣酒幣旌烈特總提僕本中林七久陪東觀郎遂叨
乘驛傳徧與禮靈場第節雕龍帥華旗畫隼翔衝流度部越陟險過泉漳
涵彼涓洲嶼嶄然鉅海洋蛟穿崖破碎鯨就浪撞塘雲氣真空開介帆截
深瀛島衣迎使舸寧寧避天香嘉薦飲芬苾陰功助會表情誠致工祝景
祝答禱祥賁船傾諸國輿圖奄八荒身雖距閩嶠志已器扶桑表洞三生
夢溫陵十月涼茲遊平昔冠風顙一朝憤女髻竹殊製徽音各異鄉地偏
宜易子人最貴檳榔醺鹿肥漂酒蜨螺液滿房招賢族車騎揮掃積緣棚
窮明纔竣事肱春始趨裝劍津傳警急汀賊起彼猖獗旋戡定藩垣渠
捍防思親彌切切行役更遑遑孤死嗟奚首題占喜尤藏封崇宴塲內木
巨計峰旁仲春至桂下山下具原克寒先我均在計壽山下即子斬坡薄
官臥軍車孤踪易感傷驚爲江左客誰洒墓頭漿逝吳川塗阻凄其涕淚
湧南轅恰啼鵲北路復鳴鵲粵若婁東邑由來漢太倉機雲存故宅吳會
是雄驅迹跡瞻高士謂有梁鴻山道風挹讓王厥田九沃衍比歲適豐稔
老我張承吉新知顧辟疆聞君占形勝築室恣徜徉鐵笛留嚴客青錢乞

秦娘衣韞紅叱撥蘭桂綉鸞香闌運通佳處裁桃帶柳塘修梧羽葆盛
竹碧琳瑯列岫濃螺色澄湖淨鏡光鳥邊風漠漠魚外水泱泱鷗駐遊仙
館鷺鳴種玉岡投竿釣月檻隱几讀書床雲結芝英秀花圍桂樹蒼
青條箔漁舍綠苔牆棟宇環相屬園池鬱在望直板金谷野還似朝川莊
未獲窺詩境相邀到草堂開樽羅綺候傳席出紅粧婉態隨歌夜齊客
舞行新群綠水曲樓詭大隄倡短轉欄頭錦淋漓蘸甲鵬弦急同賓杜
咽炙銀簪倚策聯聯鐙鈞簾燭繞廊雙僮供紫蟹庖吏進黃粱卜堂
醉留歡正未央分司真驚坐刺史欲無腸是某俱才彥虛懷共頌頌珠璣
散噴唾律呂應宮商鄭老經術富于仙詞翰長琦初燈並照鄰華驥同
壁也股毫健吟篇彩繪彰拈題爭點筆得句候盈箱助敵千鈞戰情逾百
鍊鋼語奇凌鮑謝體變失盧楊璞甫豈有與亨衢那可量搏扶看怒翼
時待蜚黃既驚朋情重仍持雅道昌披襟視肝膽刻琰描文章永契欣依
託裘踪頗激昂盡善承偉饒授簡藉餘芳自鄙真搜拙徒令對屬忙端如
享樊蒂何異貯奚囊談笑聊堪接廢酬易足當吾猶卽以下公等楚之良
狐落渾無用艱難實備嘗擬爲更駕馬竟作觸藩羊筋力頓馳驚功名幾

既懷不嫌成晚合深幸際時康邂逅因斯會興違又一方忽忽把別袂
春賦河梁鴻雁清秋日暮殘昨夜雷聞山凝朔氣星斗麗寒苦疾病家多
難歸休戚平陽苦心甘寂寞短髮任蒼浪潮墜愁倚西廡衣情慙續杜陵
非固頗質監豈真任迥首長追憶緘詩遠寄將乾坤帶今古此意誰能忘

玉山草堂

考玉山草堂在廣集錄前遂昌鄭元祐詩

會稽楊維禎廉夫

愛汝玉山草堂好草堂最好是西枝浣花杜陵錦官里故酒山間高陽池
花間語燕春常在竹裡清梅晚更移無奈道人狂太甚時紅袖寫烏絲

華亭朱無

玉山草堂在廣集錄前遂昌鄭元祐詩

玉山主人清且好標格敦敦人中仙對花時復得詩句愛客每能揮酒錢
更於雲外歌我寄春水純源放画船我將載酒即相覓與爾醉倒薰風前

口占

口占

臨池醉吸杯中月隔屋香傳蓋上花狂殺會稽于外史秋風吹鬢小烏紗

玉山佳處

馬九賓筆廬中陳大陳敬初記

匡廬于立彥成

春風昨夜起吹蕩滄江水幽人渺何處迺在玉山裏玉山秀色何崔嵬滄江之水長縈迴縈迴不盡遶山去但見滿谷桃花開草肥青野鹿呦呦花下殘棋暮不收隣家野老長携酒溪上漁郎或載舟幽人讀書忘世慮結屋山中最佳處世上紅塵空白頭携書我亦山中去

清河張天英楠渠

玉山有佳處迺在崑崙西蓬萊數峯小上與浮雲齊雲中飄飄五色風只愛碧梧枝上棲芝草琅玕滿玄圃群僊共曠青雲梯太湖三萬六千頃水水流入桃花溪溪頭浣花如濯錦百花潭邊浮紫泥紫皇拜謁山中謁把綵綸草堂上漁莊一釣得龍梭龍女吹簫書西舫西風玉樹金粟飛哀風柳浪金波流歲歲年年樂事多綵野平泉何足尚十二樓前看明月太乙明星夜相訪酌霞觴瑤臺露濕芙蓉裳我亦桃源隱居者握手一笑三千緇

雅集志

會稽楊維禎廉夫

右玉山雅集圖一卷淮海張渥用李龍眠白描體之所作也玉山主者
爲崑丘顧瑛氏其人青年好學通文史及音律鐘鼎古器法書名畫品
格之辨性尤輕財喜客海內文士未嘗不造玉山所以風俗文彩出乎
輩流者尤爲傾倒故至正戊子二月十又九日之會爲諸集之雅冠虎
皮衣絛綺坐紫而巾卷者畫笛道人曾稱楊維禎也執笛而侍者姬爲
蕩翠屏也坐者凡百餘人野航道人姚文真也沉吟而靜坐搜句於
景霞之外者吾溪漁者知詔也琴書左右捉玉麈從容而色笑者卽玉
山主者之遊之侍焉夫吾溪也長卷而作画者爲吳門李立傍侍而指
畫門法澤之崑阜止而拉石者玉山之伸晉也冠黃冠坐端根之
上者匡廬山人于立也蓋衣巾東帶而立顧指僕從治酒者玉山之子
元臣也泰有袴者丁香琴也持觴而聽令者小璉英也一時人品疎通
俊朗侍妓紅紫皆好整齊走僮隸亦皆馴雅安於矩矱之內鴈政流行
樂部皆暢碧梧翠竹與清揚爭秀落花芳草與才情俱飛矢口成句落
豪成文花月不妖湖山有發是宜斯圖一出爲一時名流所慕用也時
期而不至者句曲外史張雨永嘉徵君李孝光東海倪瓚天台陳基也

夫主客交并文酒賞會代有之矣而稱美於世者僅山陰之蘭亭洛陽之西園耳金谷龍山而次弗論也然而蘭亭過於清則隘西園過於華則靡清而不隘也華而不靡也若今玉山之集者非歟故予爲詞述綴圖尾使覽者有考焉是歲三月初吉客維楨記

吳龍門山釋良琦元璞

至正戊子二月十九日楊侯鐵崖宴于顧君玉山賦咏疊集淮海復泥爲圖傳者無不歎美余後半月與吳興鄭九成復至玉山顧君張樂置酒清歌雅論人言不減楊侯雅集時既醉顧君徵余詩然予於詩詩咏何有哉適其所寓而不違者烏乎寓烏乎非寓故作詩以道其卒反乎正云耳

玉山窮窳集瓊筵手撥鷓鴣十二絃巢樹老僧狂破戒散華天女醉談禪
鵝兒色重除醪酒桂葉香深翡翠洲最愛片牀歌扇靜長瓶自煮白雲泉
以愛汝玉山草堂靜七字分韻詩成者五人

婁江姚文真子章得汝字

崑山人研漸東所屬拍自號婁東土

仲春會桃李青年暎霞舉道人吹鐵笛主者捉玉壺野航晨不渡溪漁來

何許秋坐蟠根陰匡廬故仙侶衆賓各雅興辭適忘爾汝懷哉張李輩明
月在空渚復念東海迂雲林夜來雨

領晉得草字

客從桃源遊愛此玉山好清文引佳酌玄覽窮幽討流鶯答新詞飛花落
蘼穠分坐有雜英醉眠無芳草

金華王子克夜飲芝雲臺上以丹桂五枝芳分韻

領瑛得五字

南州孟秋月維日二十五迴風吹層霄飛雲過疎雨客從金華來欵曲置
樽俎况有匡廬仙貌古心亦古襟期事蕭散笑傲忘賓主哀絃發素聲長
眉善胡舞秋輝能娛人夜色湛庭戶悄悄風葉鳴泫泫露花吐岸彼杯中
月不照墳上土何恨瑛龍門扁舟下南浦

釣月軒

京兆杜本築

蜀郡虞集伯生

方池積雨收新水三四人風定文已消雲行影無蹤淵魚既深潛水華晚
還出幽人無所爲持竿坐盤石

丹丘柯九思敬仲

談笑從吾樂相過罷送迎凭欄看月出倚釣待雲生蝶化人間夢鷗尋海上盟軒車穩適意何物更關情

匡廬于立彥成

夕息西軒陰頗愜溪上景持此月明釣投竿釣清影流螢飛暗度幽鳥棲還響遊鱗亦復來露下芙蓉冷

于立得雨字

七月涼爽初破暑秋聲蕭蕭在庭戶清新故人忽見過契闊有懷何足數西夏郎官好詞翰中州美人妙歌舞懸知野衲解談天況有仙人能嘆雨金刀削翠藕絲長綠房破藕蓮心苦詩成脫穎或有神酒令分曹聊可賭應歎素手累行觴瀟灑清談藉御塵紛紛市上聚蚊兒昌黎先生嘆如土芝雲堂吳興趙子昂筆頭

遂昌鄭元祐明德

隱家芝草耀五色海口一照蒸成雲結爲樓觀霄漢上千門萬戶春風飄斑龍誤騎有謫籍雲旂夜下星宮君忽焉暗地變爲石昆吾有刀切不得

崑崙高深翠濤積卿雲輪囷理草碧永鎮金粟仙人宅

芝雲堂分韻

顧衡得玉字

今日新雨霽山光淨如冰晚香浮水花秋聲在庭竹高堂張綺席談笑皆
雅穆興酣斜曉籌詩成聚珠玉清時多遺才白駒在空谷今者不爲樂逝
者良不復嗚嗚咽洞簫發最度清曲更待月明生金尊照醪醑

顧進得生字

石根雲氣暖坐看芝生詩酒共爲樂竹梧相與清仙人同跨鶴玉女對
吹笙過雨添涼思停杯待月明

顧瑛紀事一首

是日秦淮海泛舟過賴湖向夕未歸予與桂天香坐芝雲堂以竹之堂
陰枇杷始華爛如雪乃棋鼎初底據盤石相與奕棋選勝其紫綠
而罷於是小蟠桃執文犀戲起賀金縷衣軋臥頭琴子亦彈古阮唯
也酒甚歡而天香憐憐有潄然之態俄而淮海婦且示以冊中所咏
子用韻以紀乃事云

玉子岡頭秋香宜石牀摘阮素果停枇杷花開如雪白楊柳葉落帶烟青
每聞投壺咲玉女不堪鼓瑟怨湘靈酒闌秉燭坐深夜細雨小寒生翠屏
小蓬萊趙子昂篆額

會稽楊維廉夫

仲瑛所藏步虛詞四章青城處翰林所作仙風道氣可廁之楊許間河
玄隱文也仲瑛藏於玉一小樓余遂扁之曰小蓬萊爲書小游仙四章
于後云

東華隱父起瀛洲十屋今添第幾籌阿母西來騎白鳳蛾眉相見不勝秋
麻姑今夜過青丘玉醴催斟白一卮莫向外人矜指爪酒酣爲我擊鼈
會與毛劉共學丹丹成猶未了綠玉皇敕賜西湖水長作西湖水月仙
西湖仙人蓮葉舟又見石山移海流老龍捲水青天去小朵蓮峯共上游
碧梧翠竹堂吳興趙子昂篆額楊廉夫記高明則誠後記

釋良琦題碧梧翠竹堂

碧梧翠竹之高堂適在玉山西石岡濃陰蒼護白日靜翠氣夜含清秋涼
堂中熾人雙鳴瑞不獨凝絕能文章北海李生共放曠東林惠遠同徜徉

張謩乘槎下銀潢奉詔遠降天妃香帷中靈風神欲語壇上五色星垂光
舟迴鯨濤遡長江故人宛在江中央入門相見各青眼花間促席飛霞觴
清歌迴雲錦瑟張亦有衆賓相頡頏頡頏衡賦就驚滿座寬饒酒深真醉狂
黃河東流厓南翔輶車明朝歸帝鄉玉堂掖垣梧竹長題詩寄遠毋相忘
太拙生彛鏤茂宣

青山高不極中有仙人宅仙人築堂向路鶴啼花落迷行跡翠竹羅堂
前碧梧置堂側窗戶斷疎陰簾帷卷秋色仙人紅顏鶴髮垂脫巾坐受涼
風吹天青露葉淨如洗月出照見新題詩仙人援琴鼓月下枝上樓烏絃
上語空堦無地著清商一夜琅玕響飛雨

湖光山色樓吳興趙奕仲尤篆額

豫章熊夢祥

樓舟界溪上忽見海虞山山接空青外湖當慘淡間松聲聽欲近飄影坐
看還何處西風起漁歌下別灣

樓之主人顧瑛仲瑛

至正十年五月十八日余與延陵吳水西龍門僧元璞匡山于外史避

暑於樓中時輕雲過雨霽光如秋各占四絕句云

晴山遠樹青如蕘野水新秧綠似首落日湖光三萬頃盡隨飛鳥帶將迴
雨隨牛跡坡坡綠雲轉山腰樹樹齊江閣晚添涼似洗隔林時有野鶯啼
燕芹香浮蔭樹金莖露滴芭蕉花幽人倚樓看過雨山童隔竹煮新茶

釋良琦元璞

避暑湖光山色樓二首

迴溪斷岸柳陰疎酒舍漁家竹逕迂一片湖光暮雲隔荷花荷葉帶平蕪
重樓樓戶燕穿風曲曲虹橋綠水通薄暮釣簾對涼雨一時秋思在梧桐

秋華亭

韓李斛于伯魯篆額

釋良琦元璞

片玉山西境絕偏秋華亭子最清妍三峯秀割崑崙石一沼深通渤海淵
鸛鷗隔窗留客語芙蓉映水使人憐桂叢舊賦淮南隱雪夜嘗回剡曲船
北海樽中常激灩東山席上有嬋娟紫薇花照銀瓶酒玉樹人調錦瑟絃
醉過竹間風乍起吟行梧下月初懸一聲白鶴隨歸珮何處重尋小有天
浣花館聯句 吳興趙雍仲穆篆額館之主人顧仲瑛記

至正戊子六月廿四日維禎與衍輝高智匡廬于立清河張思賢
汝南袁華河南陸仁燕于浣花館酒闌主客聯句凡廿四韻主爲

玉山頌瑛也

大厦千萬餘小第亦云甲馬山分玉崑崙
觥津類清霄湖吞傀儡深立江
瀉吳淞狹地形九曲前望影千丈插斜川
萬桃蒸華小逕五柳夾僊仗
撞石檢仁靈洞門玉匣雲停清蔭初瑛涼
過小雨雲鶴舞竹樵澗驚亂
萍喋唼風顛瑛立
清衣猶挾花從羸女獻
賢酒倩吳姬屢簾捲蒼
龍瑛華歸薦瑛
瑛葵絮巧笑仁文瓜甲纖拾白鰕魚乍到瑛紅蓮米
新市急鴈行荷荷清厨扇笛簫火珠梅燁燁立
米絲蓴淡滌雲雷摩乳
羹賢秘琤玩
瑛泮伶班鼓解穢華軍令酒行法弓彎舞百盤仁鯨魚
干
呷腔悲牙板瑛瑛調促水絃壓客歡語噤還
瑛童酣鼻酌貽酒微吟
立詩成結
善割喉句投錦囊
賢披圖出湘笈驪駒歌已終
華青蛾情尚留
永矢交友盟仁銅盤不須歌瑛

柳塘春馬九霄筆顏

崑山郭翼羲仲

陰陰覆地十餘畝
鵲鵲迴塘二月風
雨過鵲眠沙色裡
花飛鶯亂水聲中

河南陸仁良貴

晴雪散河堤
春雲晚復迷
鯉魚跳藻葉
燕子拂蘭英

汝南袁華子英

鴨綠波搖鵲鵲黃
柳覆堤飛花如白雪
流出武陵溪

臨海陳基敬初

扁舟二月傍溪行
愛此林塘照眼明
芳草日長飛燕綠
陰人靜語鶯鳴
臨風忽聽歌金縷
隔水時聞度玉笙
更待清明寒食後
買魚沽酒答鶯聲

西夏昂吉起文

春塘水生搖綠漪
塘上垂楊長短絲
美人蕩槳唱流水
飛花如雪落空池

玉山盧昭伯庸

黃柳華香水上衣
賽簾亭上挹春暉
問曉一巡微風入
却逐金塘燕燕歸

淮海蔡約文仲

弱柳金塘上春濃
岸岸連樹深停野
騎花送渡江船燕
蹴初晴兩鳥沒欲

暝烟沿洞正延竚
落日掉歌還

四明黃玠伯成

江南三月柳條青柳下陂堂取次行
蘭杜吹香魚隊樂草莎成
刺馬蹄輕小蠻多恨身今老
張緒少年春有情得似東吳顧
文學風前雨後聽鶯聲

義興岳榆季堅

三月風柔雨霽初芳塘流水碧
珊瑚欲維画舫絲猶弱
柳撲湘簾絮已無微影揚波驚
鯉隊新陰分色映鵝雛調筆
莫按陽關曲時到藏鴉興未孤

吳郡顧達

垂絲拂波迴沉影帶雲流
鸛啼渚烟淨燕飛簾雨收
萍開雙槳蕩花浮群鯉遊
東風約朝煖睇髮面輕鵬

范陽盧熊公武

千步垂楊柳陰連喜水生華
深吹落絮葉密坐流鶯

口占詩序

匡廬于立彥成

至正十二年正月下漸春雪方霽
飲酒柳塘上水光與春色相動
蕩因詠王臨川鴈綠鵝黃之句
各口占四絕以紀時叙嗟乎世
故之艱難人

事之不齊得一適之樂如此者可不載之翰墨以識當時之所寓況東
西南北理無定止後之會者誰歟賦詩者三人土則玉山主顧君客子
英袁君十匡廬于立彥成也

于立

江浦雪消楊柳春檻下新水碧粼粼嫁得東風故輕薄吹蕩柔條拂行人
正月已盡寒未收柳塘曲曲帶平流青緜銀瓶送美酒赤欄西橋倚斜
日落大堤楊柳明樓烏也復可憐生若待清明花似雪風光多屬上
嫩綠新生楊柳枝輕風故故向人吹春波不圓東流意折得柔條欲

顧瑛

二月看看已過半春雨尚爾不放晴楊柳長堤飛鳥過鷓鴣新水沒蘼
溪上草亭絕低小春來有客日相遇便須對柳開春酒坐看晴色上新
鳥啼殘雨適平皋魚逐輕波趁小舫獨愛大堤楊柳樹又春春色上柔
小亭結在濃西頭況復春半雨初收柳垂新綠枝枝弱水轉迴塘漫漫流

袁華

橫雨任風二月餘柳塘猶未動春鉏花明蘭渚宜垂釣月暗芸窗好讀書

細雨初晴曉尚微。小亭簾幙護清輝。波動魚初上。金縷條枝。更把帝
漠漠。輕風雨乍收。方塘水生不。鴨力。鷺鳥將子避人去。返照正在柳梢頭。
存塘楊柳未凋。已有清陰覆。船好倩吳姬。歌水調。不辭有罰酒杯傳。
欸歌序

河南陸仁良貴

至正辛卯秋九月十四日。玉山燕客于漁莊之上。芙蓉如城。水禽交飛。
臨流展席。俯見游鯉。口既夕。天宇微肅。月色與水光。蕩搖然。憺然。開。逸情
逸思。使人浩然有凌雲之想。玉山俾侍姬小瓊。美調鳴箏。飛觴傳令。
飲盡酣玉山。口占二絕。命坐客屬賦之。賦成。令漁童樵青。東小橋。笛吹
于蒼葭烟浦中。韻度清暢。音節婉麗。則知三湘五湖。蕭條寂寥。那得有
此樂也。賦得二十章名之曰漁莊欸歌。云河南陸仁序。

詩成者十人
陸仁

灣灣流水曲欄干。鷗鷺芙蓉不耐寒。玉手爲開銀屈膝。舉頭却見月門圓。
日暮休憑闌。鴨闌落霞飛去水漫漫。秋光都在重屏裡。東望青山是馬鞍山。

哀憐

秋水芙蓉面而開錦雲低護小蓮
寒夜深莫把珠簾下恐有青鷺
月底來
玉人花下按涼州白雁低飛个
个秋彈撒驪珠三萬斛當筵博得
錦綉頭

周砥

傍水芙蓉未著霜看花酌酒坐漁莊
花邊折得芭蕉葉醉寫新詞一兩行
秋月團圓照藥闌水邊簾幕晚多寒
素娥不上青鸞去借得銀蟾花和輝

秦約

公子漁莊秋氣高灣灣野水曲塘
幻隔林月出車窗大照見芙蓉
金菊粉蕖秋水濱恰如生色
画屏新蕩舟直過紅橋去小隊
不無人

顧瑛

金杯素手玉嬋娟照見青天
月子四錫羊彈盡鴛鴦曲都在
秋風十四弦

袁舉

江陰人見前編

紅白芙蓉照画屏秋波如鏡照娉婷
並頭花似雙蛾臉一朵淡酣一朵醒
于立

芙蓉千樹齊臨水倚袖滿林知是
誰家玉人峰別院只留明月照漁莊

對酒清歌空宛娘持杯勸客手生香
中燕得雙頭橘一半青
青一半黃

趙珍

出戶共宵八而開漁莊酒色淨如苔
魚三尺丹砂尾聽得清歌出水來
雨後芙蓉霜後楓漁莊只在西橋東
不知前面花多少映水殘霞爛熳紅
漁莊白野達兼善茶顏柯九思記

袁華

公子不好獵小莊濠上居長船載大炬
清夜看叉魚

于立

二月春水生三月春波闊東風楊柳花
江上魚吹沫放船直入雲水鄉蘆
荻芽如指長船頭濯足歌滄浪蘭杜
吹作春風香得魚歸來三尺強有
酒在壺桑在牀長安市上人如蟻十丈
紅塵埋馬耳漁莊之人百不理醉
歌長在漁莊底

釋自恢見問集

題顧仲瑛漁莊

君家漁莊在何處江波迢迢隔烟霧
清秋獨釣蘆花風明月長歌白蘋渡

高堂採管延嘉賓，網得魚皆錦鱗小。奴鸞刀出素手，金盤所贍如飛銀走也。山林老釋子，拄杖行吟嗟未已。平生雅有濠上游，相思瀾瀾東流水。

姑蘇李壻子，架功從余元明學。亦性曠達，多才能讀書。

芙蓉開遍錦雲低，夜飲漁莊月滿池。按得新詞倚紅袖，桃花便面寫烏絲。纖纖新月上簾鉤，楓葉蘋花隔水秋。一曲清歌來送酒，雙鬟小妓木蘭舟。

義興岳榆季堅

文竿比日出清波，翠袖香醪金叵羅。涼月團圓當檻白，秋花冉冉隔簾多。黃華丹樹繞漁莊，錦瑟秋風子夜長。驚起水禽栖不定，背人飛去不成行。

金粟影白野，述兼普謙願。

釋良琦元璞

幽香欄檻絕低小，渾似毘耶丈室空。金粟花浮雙樹月，白蓮香散一池風。每聞天鶴乘雲下，莫遣仙姝入座中。却愧裴裴留住久，釣船猶繫柳橋東。

顧瑛

飛軒下瞰芙蓉渚，檻外幽花月中吐。天風寂寂吹古香，清露泠泠濕秋圃。金梯萬丈手可攀，居然夢落清虛府。庭中搗藥玉兔愁，樹下乘鸞紫城舞。

瓊樓玉宇千娉婷中有檀僊淡眉宇問我西湖舊風月何似東華軟塵土
寒光倒落影娥池的皜明珠承翠羽但見山河影動搖獨有清輝照今古
從來作詩思茫然金粟霏霏下如雨

書画舫

渡陽吳孟思景頤楊廉夫爲記

仲瑛引婁水其居之西墜爲桃花溪水之亭四楹上蓬下板傍松翼
然似艦宵其沉影與波動若有悅而走者楊廉夫宵吹鐵笛其中客和
小海之歌不異扣舷者之爲中無他長物唯琴瑟筆硯多者書與画耳
遂以米芾氏所名書画舫命之云

聯句詩

三月三日楊鐵崖顧仲瑛飲於書画舫侍姬素雲行椰子酒遂成

聯句如左

龍門上客下駟馬 瑛洛浦佳人上水簾 瑪瑙瓶中椰蜜酒 崖赤瑛過內水
晶鹽晴雲帶雨沾 香地瑛涼吹飛花脫帽簪 寶帶圍腰星萬點 瑛
指玉雙尖平分好句才無劣 瑛百罰深杯令不厭 書出撥燈侵蘭帳 瑛
成奪錦闌香奩 臂鞵條脫初擎硯 瑛袍袖弓彎屢拂髻 期似梭星秋易暗

屋愁如錦水夜重深勸君更覆金蓮掌
莫放春情似漆黏屋

鄭元祐

雪舫夜寒虹貫日溪亭臘盡柳含春
將軍祝髮聞全武隱者逃名愧子真
醉裏都忘詩格峻燈前但愛酒杯頻
老與青黥沿牆弄斲髓冰飛出洞詩
稽古尚能窺草聖送窮端欲致錢神
周南老去文章在同谷歌終手巾展
獨驚歸來還自笑聞雞起舞意誰真
盍簪豈料有今夕明日桃源又問津

四明黃玠伯成

扣舷擊節起歌鳴一榻橫舟小結廬
氣猶古文三代上丹青妙手六初初
虹光貫月夜將半江影涵秋涼有餘
零落宜和舊時譜無情汴水正忘予
淡香亭素約書得趙文敏公所篆淡
香二字以遺仲璣伯瑛瑛遂作亭以
額之

額之

崑山郭翼義仲

別館閒將柳果車淡香亭下賞春華
東園恰好清明節千樹都開爛熳花
綺席霏霏吹雪暖霓裳疊疊舞風斜
魏公翰墨秦家得一字千金未足誇

三山盧昭伯庸

玉山佳處野亭分，千樹梨花白似雲。仙袂倚風林下得，淡香和月夜深聞。
生憎蛺蝶迷春色，不待鴛鴦換夕熏。西郭東園已陳跡，總傳芳局重鴛群。
春草池 用雪坡詩 自綠波亭 吳興沈明遠詩頗

汝陽袁華子英

爲愛玉山好，放舟玉山去。綠波亭邊春草池，泥據玉山最佳處。時當二月
春正美，鸚鵡應搖波。草如綺，雨驚殘夢未鳴蛙。風流飛花見遊鯉，大謝文章
迫絕塵。江淹詞賦亦清新，得句池塘懷別遠。傷情南浦送行人，何如此亭
樂賞適。石脚扣人魚龍宅，臨流行酒水浮階。俯檻鳴琴光照席，君不見山
川極目楚國悲。北望神州淚滿衣，又不見昆明一夜飛劫灰。漢代衣冠委
草萊，但願無事長相見。春草池頭日日來。

吳郡顧述

浮颺輕薄飛烟生，水澗紅沾雨花溼。翠侵衣桁鮮翡翠，晚迷遲蛺蝶。
倚船投竿擣藻思，臨流恨惠連。右賦春草池

碧色漲春雲，圓文生暮雨。稍平楊柳岸，已沒鴛鴦渚。錦鱗嗟萍邊，蘭棹隔
煙語。曲欄倚東風，懷人渺南浦。右賦綠波亭

天台陳墓敬初

眼明忽見此亭新公子詩成思入神坐愛秋波十里綠夢回芳草一池春
每傾鵲鵲留佳客欲採芙蓉寄遠人燕子不來秋已暮倚欄無語獨逡巡

白雲海

范陽盧熊公武琴所

鄭元祐記云丙申秋界溪顧仲瑛奉其母陶夫人避兵于商溪商溪在
吳興東南僻絕處人以君平昔尊賢下士聚糧具舟相從于溪上者不
絕夫人甘肫之味溫清之奉一切如家庭居無何病氣決而卒卒同守
婦葬綽墩之先隴仲瑛念母不見結樓于岩梧翠竹之堂後名之曰白
雲海新朝聞君才名將授以祿秩君以衰經固辭祝其家居日誦大乘
經以薦母

玉山顧瑛仲瑛

有白雲海歌四疊見本集

虞山幾千疊千疊白雲飛出山變蒼狗入山爲白衣不如化作雙白鶴飛
向白雲深處落向予能解說前身不是當初舊城郭

雁門文質和

白雲深白雲深白雲深處元無心眼空瑤海一萬里山光不動秋陰陰虛

白盈盈啟腐牖袖拂天開落星斗盡隨玉氣化爲龍不逐西風變蒼狗道人高居白雲裡九重丹霄微不起三生石上話因緣春夢梨花隔秋水風塵膠目憤干戈龍吞虎噬奈爾何斷蛇神器未出匣海寓無復春光和世事紛紛如落絮百歲流光水東注白雲與我有深期我亦相依白雲住

聖策智和

白雲深白雲深白雲深讓山之心有時隨龍去東海候焉永宇圓秋陰英不來人我斷直上璇霄掩箕斗或貫日色流玉虹或漏雷聲聳天倚山人學禪草菴裡靜看白雲朝暮起此心欲與雲俱閑又逐溪風過溪水紛紛武士尚操戈格鬪東南未決何安得此雲化霖雨洗兵甲散爲玉燭四海皆陽和雲兮雲兮如擘絮奈爾東流復如注山人祇在玉山中長遶山人草菴住

范陽廬熊公武和

山中山中白雲深丈人看雲悟雲心桂冠笑傲白雲外結機面勢西山陰瓊戶璇題玉爲牖朝暮白雲樓拱斗下視醯雞甕裡天車如雞栖馬如狗崑崙方壺圖画裡長風吹雲海波起青鸞白鹿滿芝田目送歸雲心似水

斷手執筆此操戈暮下馳驅將奈何兩雪沾衣去家遠寒谷正待噓春和
此身如雲等飄絮日夜歸心水東注負郭能分二頃田我亦還依白雲住

拜石壇詩

仲瑛嘗于東城菴假山廢基得一石上有蘇子瞻題識石理瑩潤類璧
雖左旁缺損然尚奇甚博士柯敬仲見而奇之再拜題名而去字曰拜
石御史白野達兼善爲作古篆書之後仲瑛偶得子瞻荅維揚王忠玉
提刑飲快哉亭帖與石上題識相合仲瑛謂此石卽忠玉家快哉亭物
也特不知何以至此仲瑛遂爲記其事倩朱伯盛刻之他石而與河南
陸仁汝南袁華各爲詩詠之

壇之主人顧瑛仲瑛

好事久傷無米顛清泉白石亦淒然快哉亭下坡僊友拜到丹丘三百年

袁華

眉山三蘇宋儒宗長公矯矯人中龍南遷僞耳西赤壁文章光燄超洪濛
快哉之亭雪初霽領客登覽山川雄自云平生不解飲胡乃一舉觥船空
和詩寬限見算車盤崖題石摩蒼穹功名富貴一丘土斷碑殘素傳無窮

吁嗟異物神所衛玉山合璧俄相逢奎章博士丹丘翁江南放逐驚秋風
見之卽下米菰拜二顛癡絕將無同築壇山中加愛護樹以松桂連椅桐
雨應雲戶溼寒翠朝開暮掩閉青紅白野御史龍頭客青年獻賦蓬萊宮
武符光相窮馬區區似折股淅星虹只今風塵暗河嶽王侯第宅皆蒿蓬
牙鼠玉勒賤竹竿好章獨傷吳傾甌婁東朱哇鐵作書字字玉屈蟠蚪虫
必哉昔人今已矣慘落故國風煙中如何二子復嗜古策飲儒墨收奇功
戎來再拜重太息蒼蒼古雪吹長松登壇絕叫人白酒酣日送孤飛鴻
周山人砥馬建昌治荆南唱和詩集五十三首

南澗聽水聲送別太古禪師 治

汨汨石上語瀏瀏風中葉清晨南澗流似是太古音出谷乍喧冗入林杳
深沉後來自相續前者旣難尋問客何緣起悠悠傷別心

賦得晚晴送禪師 砥

浮雲暮霽霽空宇湛然清復念還山客遲遲南澗行新禽響叢木殘照入
孤城卽此閑來往方紆塵外情

過任彥升釣臺 治詩見本集

同前

對新柳 砥

纓弄新春色已有繁愁意欲倚不成眠待扶還似醉疎雨飄枝濕鼻隄街
花墜脉脉獨含情故園那得至

同前

治

繁榮初月柳撥亂愁邊見陰憶武昌門高想靈和殿金塘承日映待陌迎
風轉學舞未能休纓情欲誰春

春寒慰瓶中杏花 治

玉瓶春水曉猶添紅萼無言對捲簾莫爲桃花翻自恨梅花時節更清嚴

同前 砥

銀瓶春靜竹風來愁向花前把一杯不得幽人相伴住西園雨裏亦須開

聞笛聲送任掾 治

柳條拂水已堪折梅花照人如欲言翻向溪橋成久立春風吹笛黯銷魂

同前 砥

春水綠波生柳塘橫吹掩抑復悠揚今朝送別已惆悵前時渡江猶斷腸

經杜樊川水榭故基

砥詩見本集

同前

治詩見本集

晏起一首 砥

晏起望南郭依微見遠岑疏花消夜雨啼鶯罷秋林偶有適道意本無遺
世心不能勤四牀聊用寫瑤琴

同前 治

樵牧久已出驚禽噪初陽寢扉南澗伴疎竹曉風涼夜永道機熟清人
意強居山幸一載晏起適徜徉

夜坐懷孝常 砥

待月下石磴罷柴竹問亭坐絕百蟲響旅懷繞夜寧天高玉露瀉草木流
晶榮四山湛秋色萬物無隱形風蟬抱葉落雪鶴迎雲停此時西澗人柴
門久已扃誰同展清會念此風冷冷世難避空谷憂思同醉醒偶適不爲
貴人生易漂零茫茫河漢流熒惑光衆星干戈未衰息前途有冥冥故晏
有結託東去浮滄溟

酬前 治

東齋見微月露坐稀華星感物增惋傷懷人在岩局高情沐垂照寤寐不
遑寧中夜夢良覩君歌謂子聽清商隨風起虛簫轉琴冷炊密松下室跡
澗水邊亭常時往來處目擊心已冥覺聞西牖流離合方悟形雞鳴空山
曙開戶竹林青忽枉蓬華信芳緘耀雲屏凄凄貧賤交惻惻秋露零昔如
雙飛鵲于今兩枯萍詩中語再四年邇不覺停道術尚迂邈焉能事仙靈
騎鯨倘可望同日戲滄溟

寶粹二上人值雨留宿西齋草堂明日賦此以贈 治

相訪竹林茅屋下不因風雨豈留連梅邊尚辱諸公問來往深慙二子賢
落葉下山逢虎迹疎鐘隔水見人烟舊遊空憶錢塘去聞道如今異昔年

同前 砥

蕭條黃葉山中寺回首松蘿滿夕曛文錫遽行三十里一風相送兩孤雲
竹堂聽雨驚秋晚木榻留燈語夜分在昔山林憂患等應修白業益精勤

過西澗 砥詩見本集

酬前 治詩見本集

雨中一首 砥

淒涼懷故舊寂寞臥丘園溪冷風蒲折林高雨竹喧漁人留野渡田大吠
衡門無限清秋意何從製一言

次韻酬前治

蟬鳴秋雨裏山舍竹林園政爾無來迹非關久避喧坐看高士傳夢往故
人門生意唯蕭索心知自不言

桃溪泛舟尋方厓士玄

砥詩見本集

同前治詩見本集

讀書砥

讀書易爲感時節已徂秋行遊固可適歲月思不留高齋曠而寂人務罕
相酌千載事了了寧不慕前修道在無今古天運每周流萬理由我具消
搖極冥搜爲樂不在茲况復儲怨尤予本楚狂士意氣邁九州偶然似有
契持身寓林丘萬鍾非所辭一毫非所求

同前治

窅身丹厓下滅迹浮雲端餘事既不閑冥心以遊觀讀書南山日秋氣浩
漫漫悲商扣庭柯四座鳴風湍已與清景晤樂哉此盤桓餐和遺糟粕作

勝入肺肝隱几俄萬古其人夢交歡携手逍遙墟乾坤歛高寒顧謂塵世
子斯道自平寬胡爲在荆棘方寸生波瀾向無問津者悲爾後來難

孝常西齋守歲讀王臨川除夜寄舍弟詩愛其詞致清遠因用其

韻各賦一首 砥

殘雪半窓春意動餘香一榻夜忘眠燈前對酒須今夕客裏題詩尚舊年
風竹蕭蕭還自語寒梅的的竟誰憐知君勝有滄浪趣待約秋風上釣船

同賦

治

歲云暮矣天涯客今夕能來慰不眠坐久依依思遠道氣酣往往說當年
春遊吳苑君常慣雪詠鍾山我自憐惆悵情悰那再得荆溪沒有酒盈船

元日試墨二首 治

竹雪寒聲瀉山禽好語來空餘臘月酒擬訪石亭梅野水宜舟楫春雲費
剪裁從前江海上今日意悠哉

白髮形歸夢青燈照隔年遠惟諸弟憶貧幸老人憐四海孤飛鶴東湖二
頃田誰能論心迹出處事皆天

同前 砥

金鴨香猶吐風塵影自飄輕冰生墨沼餘雪綴寒條茅屋行堪賦山雲坐
可招且無軒冕意隨分樂漁樵
夢綠花開春已滿缸不須嗟往事且復醉幽窓采筆雲千朵青鸞鶴
一雙平生江海興漸覺片心降

因泉公歸簡王二秀才 治

泉公相見卽言歸因憶王生住翠微詩卷或留禪榻畔酒船還傍釣魚磯
春來物色偏愁思老夫人情願息機欲折芳馨遺遠者勞心東逐片雲飛

次韻同前 砥

千巖春靜一僧歸相送空林夕景微茶具等閑拋石閣釣竿行已卧苔磯
草生南浦牽詩夢漚下輕波識道機若見王喬因借問雙鳬何日向南飛

絕句五首 治

秋至衣裳薄思歸未有涯得如江巨孝處處自將車
一從薜薇綠經秋憶故廬鄉書夜來到只是更愁予
有弟天涯隔無人消息稀何時比鴻雁一道同南飛
蚤學屠龍技三年望有成朝來鑑海水華髮已先明

得志有偶爾居貧方晏然君觀紙上墨一日是千年

同前

砥

朝朝感霜露昔昔夢鄉關何以慰親念空悲行路難
東城三百里南雁一封書整待今晨發秋風吹弊廬
失身紅塵裏世路轉愁深不汲寒泉井何由清我心
朝露塗塗草顏色暫輝光不知秋節去朝露變爲霜
操弧力不任彈架知者稀白駒空谷裏吾道此焉依

官軍後還西瀾草堂

治詩見本集

同前

砥

詩見本集

雨後偶題

砥

詩酒尚堪忘世慮陶然且復咏閑居園林幾日清秋好風雨一番黃落初
翳翳荒村煙景寂迢迢虛閣暮鐘疎經時不得故鄉信誰道歷來能寄書

次韻酬前

治

竹裏新泉繞屋除長年吾得樂閑居道心澹泊諸塵外山意微茫遠古初
風雨滿簷松子落夕陽穿樹橘林疎可憐原憲閒來往猶自生涯不廢書

食茯苓粥 紙

荷鑊寧雲得茯苓作糜從此謝膾脰齊厨自啓添松火香韻初浮滿竹庭
時憶蘇芝歌舊曲尚尋黃獨制顏齡今晨暫賴青精飯與潔方壇味玉經

同前

治

頤聞學士防風粥會吟詩人錦帶羹豈謂茯苓宜歲晚已收杭稻得霜晴
腥膻習漫從教洗禽鳥形殘不思煮飽食未須論月給石杉偕坐聽松聲

縱筆一首 紙

數卷楞伽一縷香門前塵土浩茫茫何人尚覓安心法此處真堪選佛場
寒月流爲千嶂雪晚風驚散一林黃可憐結習消除盡華舌紛紛故未忘

次前韻

治

多羅樹下昔徜徉座世歸來已渺茫猶有狂吟三百首達人大笑億千場
西風雪氣紛紛白夜雨河流混混黃忽對青山嗟歲晚知君縱筆興難忘

覽還老親陪履道泛湖歸省無錫 治

湖口倉忙別老親東行且就雨吟身煙波渺似鴻荒世舟楫輕宜濟涉人
幾處青山牛馬飲一行白雪鷺鷥馴沙頭擊鼓臙臙日知有閑官尚馬津

列朝詩集

甲前八下